

顏氏家訓



重

枚

類

氏

家

訓

補

勸

附

于右任



注顏氏家訓序

士少而學問長而議論老而教訓斯人也其不虛生於天地間也乎余友江陰趙敬夫先生方嚴有氣骨與余遊處十餘年八十外就鍾山講舍取宋本顏氏家訓而爲之注余奪於他事不暇相助也又甚惜其勞謂姑置其易明者可乎先生曰此將以教後生小子也人卽甚英敏不能於就傅成童之年聖經賢傳舉能成誦況於歷代之事蹟乎吾欲世之教子弟者旣令其通曉大義又引之使略涉載籍之津涯明古今之治亂識流品之邪正他日依類以求其於用力也亦差省書成未幾而先生捐館矣余感疇昔周旋之雅又重先生惓惓啟迪後進之至深

且摯烏可以無傳就其孫同華索是書一再閱之翻然變余前日尙簡之見而更爲之加詳以從先生之志則是書也匪直顏氏之訓亦卽趙先生之訓也先生之學問先生之議論不卽於是書有可想見者乎嗚呼無用之言不急之辯君子所弗貴若夫六經尙矣而委曲近情纖悉周備立身之要處世之宜爲學之方蓋莫善於是書人有意於訓俗型家者又何庸舍是而疊牀架屋爲哉

乾隆五十四年歲在己酉重陽前五日杭東里人盧文弨書於常州龍城書院之取斯堂

取斯堂

顏氏家訓序

北齊黃門侍郎顏之推學優才瞻山高海深常雌黃朝廷品藻  
人物為書七卷式範千葉號曰顏氏家訓雖非子史同波抑是  
王言蓋代其中破疑遣惑在廣雅之右鏡賢燭愚出世說之左  
唯較量佛事一篇窮理盡性也余曾於客舍論公製作宏奧眾  
或難余曰小小者耳何是為懷余輒請主人紙筆便錄擊鳥煥反  
擗宣斐歲勑藥猗鏤慙於計反屢剡屢移反秭疋來反等九字以示之  
方始驚駭余曰凡字以詮義字猶未識義安能見旋云小小頗  
亦忽忽眾乃謝余令為解識余遂作音義以曉之豈慙法言之  
論定即定矣實愧孫炎之侶行即行焉云爾

顏氏家訓序  
二  
渭南嚴氏孝

此序宋本所有不著撰人比擬多失倫行文亦無法今依宋本校正即不便棄之有疑王言蓋代未詳所出者案家語有王言解或用此也杭東里人盧文昭書其後

此序宋本所有不著撰人比擬多失倫行文亦無法今依宋本校正即不便棄之有疑王言蓋代未詳所出者案家語有王言解或用此也杭東里人盧文昭書其後

例言

一黃門始仕蕭梁終於隋代而此書向來唯題北齊唐人修史以之推入北齊書文苑傳中其子思魯既纂父之集則此書自必亦經整理所題當本其父之志可知今亦仍之

一黃門九世祖從晉元南度江寧顏家巷其舊居也則當爲江寧人而此書向題琅邪唐人修史例皆不以土斷而遠取本望劉知幾爲史官曾非之不能革也故北齊書亦曰琅邪臨沂人今亦姑仍其舊

一此書爲江陰趙敬夫注始余覺其過詳敬夫以啟迪童子不得不如是余甚韙其言故今又從而補之凡以成敬夫真切爲



人之志非敢以求勝也

一黃門篤信說文後乃從容消息始不過於駭俗然字體究屬審正歷經轉寫譌謬滋多今於甚俗且別者正之其非說文所有而爲世所常行者一仍其舊亦黃門志也

一此書音辭篇彛析文字之聲音致爲精細今人束髮受書師授不能皆正又南北語音各異童而習之長大不能變改故知正音者絕少近世唯顧寧人江慎修戴東原能通其學今金壇段若膺其繼起者也此篇實賴其訂正云

一此書段落舊本分合不清今於當別爲條者皆提行庶幾眉目瞭然

一宋本經沈氏訂正誤字甚少然俗間通行本亦頗有是者今擇其義長者從之而注其異同於下後人或別有所見不敢卽以余之棄取爲定衡也

一沈氏有考證一卷繫此書之後今散置文句之下取繙閱較便勿以缺漏爲疑

一黃門本傳中載所作觀我生賦家國際遇一生艱危困苦之況備見於是此卽其人事蹟不可略也句下有自注盡皆當日情事其辭所援引今爲之考其出處目爲加注使可識別但賦中尙有脫文別無他書補正意猶缺然

一涉獵之弊往往不求甚解自謂了然余於此書向亦猶夫人

之見耳今再三閱之猶有不能盡知其出處者自愧窵啟尙賴博雅之士有以教我焉

一敬夫先生以諸生終隱德不曜余爲作瞰江山人傳今并繫於後使人得因以想見其爲人

一此書經請正於賢士大夫始成定本友朋開復互相訂證厥有勞焉授梓之際及門諸子又代任校讎之役而剗刷之費深賴眾賢之與人爲善故能不數月而訖功今於首簡各載姓名以見懿德之有同好云

其其義其善於文而於其異同抱經氏識時年七十有三

宋本錄其凡信五篇字甚少然谷間取本亦應有是書今

顏氏家訓注

鑒定

嘉定錢大昕莘楨

仁和孫志祖怡谷

滄州李廷敬寧圃

參訂

金壇段玉裁懋堂

孝感程明恮欵園

新會譚大經敷五

仁和潘本智鏡涵

江陰周宗學象成

讎校

江陰楊敦厚仲偉

江陰陳宏度師儉

江陰王璋秉政

江陰湯

裕帖瞻

趙門人

江陰沙

照耀滄

趙門人

武進臧鏞堂在東

武進丁履恆基士

瞰江孫趙同華俊章校梓

新注顏氏家訓目錄

江陰 趙曦明 敬夫 注

餘姚 盧文昭 紹弓 補

序

宋本序

例言

鑒定參訂姓名

第一卷

序致篇第一

教子篇第二

兄弟篇第三

後娶篇第四

治家篇第五

第二卷

風操篇第六

慕賢篇第七

第三卷

勉學篇第八

第四卷

文章篇第九

名實篇第十

涉務篇第十一

第五卷

省事篇第十二

止足篇第十三

誠兵篇第十四

養生篇第十五

歸心篇第十六

第六卷

書證篇第十七



第七卷

音辭篇第十八

雜藝篇第十九

終制篇第二十

附錄

北齊書顏之推傳

宋本沈跋

宋本名銜

趙跋

瞰江山人家傳

終

顏氏家訓卷第一

北齊黃門侍郎顏之推撰

序致教子

兄弟

後娶

治家

序致第一

夫聖賢之書教人誠孝慎言檢迹

補檢居奄切檢迹猶言行立檢謂有持檢不放縱也

身揚名

補見孝經

亦已備矣魏晉已來所著諸子理重事複

補重直龍切複

方六切亦遞相模敦

補與效同

猶屋下架屋

補注世說文學篇庾仲初作揚都賦謝太傅云

此是屋下架屋耳劉孝標引王隱論揚雄太罕經曰平經雖妙非益也是以古人謂其屋下架屋耳

牀上施牀耳

隋書經籍志儒家有徐氏中論六卷魏太子文學徐幹撰王氏正論十卷王肅撰杜氏體論四卷魏幽州刺史杜恕撰顧子新

語十二卷吳太常顧譚撰譙子法訓八卷譙周撰袁子正論十九卷袁準撰新論十卷晉散騎常侍夏侯湛撰吾今所

以復為此者

元注一本無今字補復扶富切又也

非敢軌物範世也

補車有軌轍器有模範喻

可為世人儀型也

業以整齊門內提撕子孫

補詩大雅抑匪面命之言提其耳箋我非但對面語

之親提撕其耳

夫同言而信信其所親同命而行行其所服禁童子之

暴謔則師友之誠不如傅婢之指揮

補傅婢見漢書王吉傳師古注傅婢者傅相其衣服

衽席之事指揮與指麾義同漢書韓信傳雖有舜禹之智嘿而不言不如瘖聾之指麾也

止凡人之鬪鬩

補

許歷切詩小雅常棣傳很也

則堯舜之道不如寡妻之誨諭

補詩大雅思齊刑于寡妻傳適

妻也箋寡有之妻案寡者少也故云適妻朱子則訓寡德之妻謙辭也

吾望此書為汝曹之所信

猶賢於傅婢寡妻耳

吾家風教素為整密昔在齟齬

補玉篇髻徒聊切小兒髮廣韵或作齟說文齟毀齒也男八月

生齒八歲而齟女七月生齒七歲而齟音初董切

便蒙誨誘每從兩兄

案南史顏協傳子之儀之推此

云兩兄或兼有羣從也補顏氏家廟碑有名之善曉夕溫清補禮

者云之推弟隋葉令據此則之善亦是之推兄規行矩

清記曲禮上凡為人子之禮冬溫而夏清注溫以禦其寒清以致其涼釋文清七性反字從夂本或水旁作非也

步安辭定色補禮記曲禮上安定辭又冠義凡人之所以為人者禮義也禮義之始在於正容體齊顏色順辭令

鏘鏘翼翼若朝嚴君焉易家人有嚴君焉父母之謂也補廣雅釋訓鏘鏘走也翼翼敬也又和也案鏘

不得如大夫已上容儀之盛也鏘猶蹠蹠禮記曲禮下士蹠蹠言賜以優言問所好尚補好呼到切

勵短引長莫不懇篤年始九歲便丁荼蓼補言失所生也荼蓼喻苦辛上音徒下音

了家塗離散塗俗閒本作徒今從宋本百口索然慈兄鞠養苦辛備至有仁

無威補注晉書嵇康傳幽憤詩曰母兄鞠育有慈無威導示不切雖讀禮傳微愛屬文

屬補傳直戀切頗為凡人之所陶染補言為凡庸人之所熏陶漸染也肆欲輕言

不脩邊幅補脩舊本皆作備訛案北齊書之推傳云好飲酒多任誕不脩邊幅正本此後漢書馬援傳公孫述欲授

援以封侯大將軍位賓客皆樂留援曉之曰公孫不吐哺走迎國士反脩飾邊幅如俑人形此子何足久稽天下士乎年

十八九少知砥礪習若自然補少與稍同大戴禮休傳篇卒難

洗盪補卒倉沒切盪滌也亦作蕩三十已後舊作二十注大過稀焉每常心

共口敵性與情競補心共口敵謂口易放言而心制之使不出也禮記樂記人生而靜天之性也又禮運何

謂人情喜怒哀懼愛惡欲七者弗學而能此言性善而情之所發有未善者故必以性制情如與之競者然王弼注易乾文言

云不性其情何能久行其正與孟子性善情亦善之旨不同夜覺曉非今悔昨失自憐無教

以至於斯追思平昔之指銘肌鏤骨補鏤盧侯切猶言刻骨非徒古書之

誠經目過耳也各本無也字宋本注故畱此二十篇以為汝曹

後車元注一耳漢書賈誼傳前車覆後車戒重校正宋本耳爾

俱不從

教子第二

上智不教而成下愚雖教無益中庸之人不教不知也古者聖

王有胎教之法懷子三月出居別宮目不邪視耳不妄

元注一本作傾

聽音聲滋味以禮節之書之玉版藏諸金匱

大戴禮係傳篇青史氏之記曰古者

胎教王后腹之七月而就宴室太史持銅而御戶左太宰持斗

而御戶右比及三月者王后所求聲音非禮樂則太師繼瑟而

稱不習所求滋味者非正味則太宰倚斗而言曰不敢以待王

太子盧辯注王后以七月就宴室夫人婦嬪即以三月就其側

室又云周后妃任成王於身立而不跛坐而不差獨處而不倨

雖怒而不詈胎教之謂也又云素成胎教之道書之玉版藏之

金匱置之宗廟以為後世戒補列女傳太任

生子咳元注說

有娠目不視惡色耳不聽淫聲口不出傲言

兒笑也嘒號也一本作孩提案說

師係固明孝仁禮義導習之

矣

漢書賈誼傳昔者成王幼在襁褓之中召公為太保周公為太傅太公為太師此三公之職也於是為置三少皆上大

也曰少保少傅少師故迺孩提有識三公三少固明孝仁禮誼以導習之矣案俗閒本正文作仁智禮義宋本作仁孝禮義注

云一本作孝禮仁義今從漢書改凡庶縱不能爾當及嬰稚識人顏色知人喜

怒便加教誨使為則為使止則止比及數歲可省笞罰補比必利切省

所景切笞丑之切捶擊也輕者曰笞笞所以明恥也父母威嚴而有慈則子女畏慎而生

孝矣吾見世閒無教而有愛每不能然飲食運為補運為即云為管子戒篇

注云恣其所慾宜誠元注一本作訓翻獎補說文獎喉犬厲之也從犬將省聲玉篇不省云助也成

也欲也譽應訶補說文大言而怒也從言可聲虎何切反笑元注一本作嗤補說文本關笑字徐鉉等

案孫恂唐韵引說文云喜也从竹从夭李陽冰謂竹得風其體夭屈如人之笑今案玉篇作笑亦作咲漢書有笑字李說近鑿

今不從又玉篇至有識知謂法當爾驕元注一本作嬌慢已習方復元注

復扶富切制之捶撻至死而無威元注一本云忿怒日隆而

增怨

元注一本云增怨懊

逮于成長終為敗德

補長知丈切

孔子云少成若天

性習慣如自然是也

補少詩照切補注漢書賈誼傳引

俗諺曰教婦初來教兒

嬰孩誠哉斯語

凡人不能教子女者亦非欲陷其罪惡但重於訶怒傷其顏色

不忍楚撻慘其肌膚耳

補楚撻痛撻也

當以疾病為諭安得不用湯藥

鍼艾救之哉

補鍼所以刺亦作箴俗作針艾所以灸

又宜思勤督訓者可願苛虐

於骨肉乎誠不得已也

王大司馬母魏夫人性甚嚴正王在湓城時為三千人將

補子亮切

年踰四十少不如意猶捶撻之故能成其勳業

梁書王僧辯傳僧辯字君才右

衛將軍神念之子也世祖以僧辯為征東將軍開府儀同三司江州刺史封長寧縣公承聖三年加太尉車騎大將軍頃之丁



母太夫人憂策謚曰貞敬太夫人夫人姓魏氏性甚安和善于綏接家門內外莫不懷之及僧辯尅復舊京功蓋天下夫人恆

自謙損不以富貴驕物朝野咸共稱之謂為明哲婦人也尋陽記晉武太康十年因江水之名而置江州成帝咸和元年移理

溢城卽梁元帝時梁書元帝紀世祖孝元皇帝諱繹字世誠小今郡是字七符高祖第七子也承聖元年冬十一月

丙子卽皇帝位於江陵有一學士聰敏有才為父所寵失於教義一言之

是徧於行路終年譽之一行之非揜藏文飾冀其自改補文亦飾也集

韻文年登婚宦暴慢日滋竟以言語不擇為周逖抽腸斃鼓云

補周逖無攷唯陳書有周迪傳梁元帝授迪持節通直散騎常侍壯武將軍高州刺史封臨汝縣侯始與周敷相結後給敷害

之其人強暴無信義宜有斯事但未知此學士何人耳

父子之嚴不可以狎骨肉之愛不可以簡簡則慈孝不接狎則

怠慢生焉由命士以上父子異宮此不狎之道也禮記內則由命士以上父

子皆異宮味爽而朝慈以旨甘日出抑搔癢痛懸衾篋枕此不

而退各從其事日入而夕慈以旨甘

同上子事父母婦事舅姑及所下氣怡聲問衣煖寒疾痛苛癢而敬抑搔之出入則或先或後而敬扶持

簡之教也又曰父母舅姑將坐奉席請何鄉將衽長者奉席請何趾或少者執牀與坐御者舉几斂席與篋懸衾篋枕斂篋而禡之

問曰陳亢喜聞君子之遠其子何謂也補亢音剛對曰有是也遠于萬切

蓋君子之不親教其子也詩有諷刺之辭禮有嫌疑之誠書有

悖亂之事春秋有衰僻之譏易有備物之象皆非父子之可通

言故不親授耳

元注其意見白虎通案白虎通薛雍篇父所以不自教子何為其潔瀆也又授受之道當極說

陰陽夫婦變化之事不可以父子相教也

齊武成帝子琅邪王太子母弟也

北齊書武成紀世祖武成皇帝諱湛神武第九子也武成

十二王傳明皇后生後主及琅邪王儼

生而聰慧帝及后竝篤愛之衣服飲食與

東宮相準帝每面稱之曰此黠兒也同上有琅邪王儼傳儼字仁威武當有所成

成第三子也初封東平王武成崩改封琅邪及太子即位同上有後主

紀後主緯字仁綱大寧二年立為皇太子河清四年武成禪王

居別宮儼傳儼恆在宮中坐含光殿以視事和士禮數優僭補

疑當是借字言優假不與諸王等太后猶謂不足常以為言年

十許歲驕恣無節器服玩好必擬乘輿補乘食證切獨斷天子

託之于乘輿乘猶載也輿猶車也天子以天下為家不以京師

嘗朝南殿見典御進新冰鉤盾獻早李隋書百官志中尚食局

司農寺掌倉市薪菜園池果實統平準太倉鉤盾等署令丞還

索不得補索山遂大怒詢曰補詢呼寇切說文同詁左氏至尊

載切

襄十七年傳杜注詢罵也

已有我何意無不知分齊率皆如此

補分扶問切齊在詣切

識者多有叔

段州吁之譏

見左氏隱元三兩年傳

後嫌宰相遂矯詔斬之

儼傳儼以和士開駱提婆

等奢恣盛修第宅意甚不平謂侍中馮子琮曰士開罪重兒欲殺之子琮贊成其事儼乃令子宜表彈士開請付禁推子琮雜

以他文書奏之後主不審省而可之儼詐領軍庫狄伏連曰奉勅令領軍收士開伏連信之伏五十人於神獸門外詰旦執士

開送御史儼使馮永就臺斬之後主紀武平二年七月太尉琅邪王儼矯詔殺錄尚書事和士開於南臺又懼有救

乃勒麾下軍士防守殿門

儼傳儼率京畿軍士三千餘人屯千秋門

既無反心受勞

而罷後竟坐此幽薨

同上帝率宿衛者授甲將出戰斛律光曰至尊宜自至千秋門琅邪必不敢動從之

光強引以前請帝曰琅邪王年少長大自不復然願寬其罪良久乃釋之何洪珍與士開素善陸令萱祖珽竝請殺之九月下

旬帝啓太后欲與出獵是夜四更帝召儼至永巷劉桃枝反接其手出至大明宮拉殺之時年十四

人之愛子罕亦能均自古及今此弊多矣賢俊者自可賞愛頑

魯者亦當矜憐有偏寵者雖欲以厚之更所以禍之其叔之死

母實為之

見左氏隱元年傳共音恭

趙王之戮父實使之

史記呂后紀高祖得戚姬生趙隱王

如意戚姬日夜啼泣欲其子代太子賴大臣及雷侯計得毋廢

高祖崩呂后乃令永巷囚戚夫人而召趙王鳩之趙王死斷戚

夫人手足去眼暉耳飲

瘖藥使居廁中曰人彘

劉表之傾宗覆族後漢書劉表傳表字景升山陽高平人為

鎮南將軍荆州牧二子琦琮表初以琦貌類己甚愛之後為琮

娶後妻蔡氏之姪蔡氏遂愛琮而惡琦毀譽日聞表每信受妻

弟蔡瑁及外甥張允竝得幸於表又睦於琮琦不自寧求出為

江夏太守表病琦歸省疾允等遏於戶外不使得見琦流涕而

去遂以琮為嗣琮以侯印授琦琦怒投之地將因喪作難

會曹操軍至新野琦走江南琮後舉州降操補覆芳服切袁紹

之地裂兵亾

後漢書袁紹傳紹字本初汝南汝陽人領冀州牧有三子譚字顯思熙字顯雍尚字顯甫譚長而惠

尚少而美紹後妻劉氏有寵而偏愛尚紹乃以譚繼兄後出為

青州刺史中子熙為幽州刺史官度之敗紹發病死未及定嗣

逢紀審配夙以驕侈為譚所病辛評郭圖皆比於譚而與配紀

有隙眾以譚長欲立之配等恐譚立而評等為害遂矯紹遺命

奉尙爲嗣譚自稱車騎將軍軍黎陽曹操渡河攻譚尙救譚敗  
退還鄴操進軍尙逆擊破操譚欲及其未濟出兵掩之尙疑而  
不許譚怒引兵攻尙敗還南皮尙復攻譚譚大敗尙圍之急譚  
遣辛毗詣操求救操渡河尙乃釋平原還鄴操進攻鄴尙奔中  
山操之圍鄴也譚背之略取甘陵安平等處攻尙於中山尙走  
故安從熙明年操討譚譚墮馬見殺熙尙爲其將張綱所攻奔  
遼西烏桓操擊烏桓熙尙敗乃可爲靈龜明鑒也補龜可以占  
奔公孫康於遼東康斬送之事鑒可以照

形故以此爲比  
齊朝有一士大夫嘗謂吾曰我有一兒年已十七頗曉書疏補

助切記也晉書陶侃傳教其鮮卑語隋書經籍志鮮卑及彈琵琶

遠近書疏莫不手答風俗通聲音篇琵琶長三尺五寸象三才五行四絃象四時

也釋名作批把推手前曰批引手卻曰把取其鼓時因以爲名  
稍欲通解以此伏事公卿補伏與無不寵愛亦要事也吾時

俛而不答補俛與異哉此人之教子也若由元注一此業自致

頁氏家川  
卷一  
七  
渭南嚴氏孝

卿相亦不願汝曹為之

兄弟第三

夫有人民而後有夫婦有夫婦而後有父子有父子而後有兄

弟一家之親此三而已矣

句首宋本有盡字小學所引無補王弼注老子道經六親父子兄弟夫婦

也自茲以往至於九族皆本於三親焉

詩王風葛藟序周室道衰棄其九族焉箋九族

者據已上至高祖下及元孫之親正義此古尚書說鄭取用之異義今禮戴尚書歐陽說云九族父族四母族三妻族二鄭有

駁文繁不錄

故於人倫為重者也不可篤兄弟者分形連氣之人

也方其幼也父母左提右挈前襟後裾

補襟亦作衿釋名衿禁也禁使不得解散也裾

倨也倨倨然直亦言在後常見踞也

食則同案

補說文案几屬

衣則傳服學則連業游則

其方雖有悖亂之人

宋本作行

不能不相愛也及其壯也各妻其妻

各子其子雖有篤厚之人宋本不能不少衰也姊姒之比兄弟

爾雅長婦謂稚婦為姊婦稚婦謂長婦為姒婦則疏薄矣今使疏薄之人而節量親厚

之恩猶方底而圓蓋必不合矣惟友悌深至不為旁人之所移

者免夫

二親既歿兄弟相顧當如形之與影聲之與響愛先人之遺體

惜己身之分氣非兄弟何念哉兄弟之際異元注一本於他人

望深則易怨地親則易弭補望責望也弟望兄愛我之不至兄

怨地親俗閒本作他親誤今從宋本地近則情親怨雖易起亦易消弭孟子所謂不藏怒不蓄怨是也詩小雅沔水傳弭止也

譬猶居室一穴則塞之一隙則塗之則無頽毀之慮如雀鼠之

不卹風雨之不防壁陷楹淪無可救矣雀鼠本行露風雨本鴟鴞二詩僕妾之



為雀鼠妻子之為風雨甚哉

兄弟不睦則子姪不愛

補子姪謂兄弟之子也其緣起顏氏於風操篇詳之見卷二謂晉世已來始呼

叔姪晉書王湛傳濟才氣抗邁於湛略無子姪之敬是也史記

魏其武安侯傳田蚡未貴往來侍酒魏其跪起如子姪又呂氏

春秋亦已有子姪語是則秦漢已來即有此稱互見後注子姪不愛則羣從疏薄補從子羣

從疏薄則僮僕為讎敵矣如此則行路皆踏其面而蹈其心

補蓋

言人皆賤之也誰救之哉人或交天下之士皆有歡愛

宋本作笑誤

而失敬於兄者何其能多而不能少也人或將數萬之師

補將子匠

切得其死力而失恩於弟者何其能疏而不能親也

娣姒者多爭之地也使骨肉居之亦不若各歸四海感霜露而

相思佇日月之相望也況以行路之人處多爭之地能無閒者

鮮矣

補閒古莧切  
鮮息淺切

所以然者以其當公務而執私情處重責而

懷薄義也若能恕已而行換子而撫則此患不生矣

人之事兄不可同於事父

補不字蓋衍文或不  
可下脫去一不字

何為愛弟不及

愛子乎

重校正宋本為字作怨若依宋本則上句似當云人之  
事兄不能同於事父語意方合各本皆作不可同理未

為通是反照而不明也沛國劉璠嘗與兄璠連棟隔壁璠呼之數

聲不應良久方答

宋本作應

璠怪問之乃曰向來未著衣帽故也以

此事兄可以免矣

續漢書郡國志沛國屬豫州南史劉璠傳璠  
字子圭沛郡相人篤志好學博通訓義弟璠

字子璠方軌正直儒雅不及璠而文  
采過之璠音桓璠音津著張略切

江陵王元

音懸

紹弟孝英子敏兄弟三人特相愛友所得甘旨新

異非共聚食必先嘗孜孜色貌相見如不足者及西臺陷沒

江陵梁元帝初為荊州刺史所治也梁書元帝紀承聖元年冬十一月景子世祖即皇帝位於江陵三年九月魏遣柱國萬紐

于謹來寇反者納魏師世祖見執西魏害世祖遂崩焉元紹以形體魁梧補史記雷侯世家索隱蘇林云

梧音忤蕭該云今讀為吾非也顏師古注漢書張良傳魁大貌也梧者言其可驚梧為兵所圍二弟爭共

抱持各求代死終不得解遂并命爾

後娶第四

吉甫賢父也伯奇孝子也俗間本無賢父御孝子合得終於

天性而後妻聞之伯奇遂放琴操尹吉甫子伯奇母早亡更娶後妻乃譖之吉甫曰伯奇見妾美

有邪念吉甫曰伯奇慈心豈有此也妻曰置妾空房中君登樓察之乃取蜂置衣領令伯奇掇之於是吉甫大怒放伯奇於野

宣王出遊吉甫從伯奇作歌以感之宣王曰此會參婦死謂其放子之詞也吉甫感悟射殺其妻補間古莧切

子曰吾不及吉甫汝不及伯奇王駿喪妻亦謂人曰我不及會

參子不如華元

補家語七十二弟子解曾參後母遇之無恩而供養不衰及其妻以藜烝不熟遂出之終身不

娶妻其子元請焉告其子曰高宗以後妻殺孝己尹吉甫以後妻放伯奇吾上不及高宗中不及吉甫庸知其得免於非乎漢書王吉傳吉子駿為少府時妻死因不復娶或問之駿曰德非

曾參子非華元亦何敢娶案元與華曾子之二子也大戴禮及說苑敬慎篇俱云曾子疾病曾元抱首曾

華抱足檀弓作曾元曾申是華一名申 竝終身不娶此等足

以為誠其後假繼慘虐孤遺

補假繼謂假母繼母也顏師古注漢書衡山王賜傳假母繼母也一

日父之

離間骨肉

補間古

傷心斷腸者何可勝數

補勝音升 慎

之哉慎之哉

江左

俗間本作右

不諱庶孽喪室之後多以妾勝終家事疥癬

蚊蚩或未

宋本作不能免

補喪息浪切疥癬比癰疽之患輕蚊蚩比蛇蝎之害小以言縱有所失不甚大也

限以大分故稀鬪鬩之恥

補分扶

河北鄙於側出不預人流是

以必須重娶至於三四

補重直用切

母年有少於子者後母之弟與

前婦之兄

補此弟與兄皆指其子言

衣服飲食爰及婚宦至於士庶貴賤之

隔俗以為常身沒之後辭訟盈公門謗辱彰道路子誣母為妾

弟黜兄為傭播揚先人之辭迹暴露祖考之長短以求直己者

往往而有悲夫

北史崔亮傳亮祖修之修之弟道固字季堅其母卑賤嫡母兄攸之目連等輕侮之父緝以為

言侮之愈甚乃資給之令其南仕時宋孝武為徐兗二州刺史以為從事道固美形貌善舉止習武事會青州刺史新除過彭

城孝武謂曰崔道固人身如此而世人以其偏庶侮之可為歎息目連子僧深位南青州刺史元妻房氏生子伯麟伯麟後納

平原杜氏生四子伯鳳祖龍祖螭祖虬後遂與杜氏及四子居青州房母子居冀州僧深卒伯麟奔赴祖龍與訟嫡庶竝以刀

劍自衛若怨讎焉

補彙蒲卜切自古姦臣佞妾以一言陷人者眾矣況夫婦之

義曉夕移之婢僕求容助相說引積年累月安有孝子乎此不

可不畏

補說舒芮切  
累力偽切

凡庸之性後夫多寵前夫之孤後妻必虐前妻之子非唯婦人

懷嫉妒之情丈夫有沈惑之僻

補沈直  
深切

亦事勢使之然也前夫

之孤不敢與我子爭家提攜鞠養積習生愛故寵之前妻之子

每居己生之上宦學婚嫁

補宦學見禮記曲禮上正義引熊氏  
云宦謂學仕宦之事學謂學習六藝

之莫不為防焉故虐之異姓寵則父母被怨繼親虐則兄弟為

讎家有此者皆門戶之禍也

思魯等

此之推  
之子

從舅殷外臣

補從疾  
用切

博達之士也有子基諶皆

已成立而再娶王氏基每拜見後母感慕嗚咽

補烏  
結切

不能自持

家人莫忍仰視王亦悽愴不知所容旬月求退便以禮遣此亦

悔事也

後漢書曰安帝時

後漢書安帝紀恭宗孝安皇帝諱祐  
肅宗孫父清河孝王慶在位十九年

汝南辭

包孟嘗

續漢書郡國志汝南郡屬豫州

好學篤行喪母以至孝聞

補好呼報切行下孟切喪

息郎切

及父娶後妻而憎包分出之包日夜號泣不能去至被毆

杖

補說文毆捶穀物也徐鍇曰以杖擊也

不得已廬於舍外旦入而洒埽

補亦作灑掃上

色買切又所綺切下素報切

父怒又逐之乃廬於里門昏晨不廢積歲餘父

母慙而還之後行六年服喪過乎哀

補見易小過大象傳

既而弟子求分

財異居包不能止乃中分其財奴婢引

宋本作取案范書作引小學同

其老者

曰與我共事久若不能使也

補若汝也

田廬取其荒頓者

元注頓猶廢也案本

章懷注

曰吾少時所理意所戀也

補少詩照切

器物取其朽敗者曰我

素所服食身口所安也弟子數破其產還復賑給

補數音朔還范書作輒復

扶富切玉

建光中

建光安帝年號

公車特徵至拜侍中

續漢書百官志衛尉屬有公車

司馬令一人六百石掌宮南闕門凡吏民上章四方貢獻及徵詣公車者又云侍中比二千石無員掌侍左右贊導眾事顧問

應對法駕出則多識者一人參乘餘皆騎在乘輿車後

包性恬虛稱疾不起以死自乞有

詔賜告歸也

補此段見范書卷六十九劉平等傳首總序章懷注漢制吏病滿三月當免天子優賜其告使得帶

印綬將官屬歸家養病謂之賜告也

### 治家第五

夫風化者自上而行於下者也自先而施於後者也是以父不

慈則子不孝兄不友則弟不恭夫不義則婦不順矣父慈而子

逆兄友而弟傲夫義而婦陵則天之凶民乃刑戮之所攝

補書涉切



收取也 非訓導之所移也 案下當分段

笞怒廢於家則豎子之過立見 補呂氏春秋蕩兵篇家無怒笞則豎子嬰兒之有過也立見廣

韻豎童僕未冠者臣庾切見形電切 刑罰不中則民無所措手足治家之寬猛亦

猶國焉 左氏昭二十年傳子產曰惟有德者能以寬服民其次莫如猛夫火烈民望而畏之故鮮死焉水懦弱民狎而

玩之則多死焉故寬難案下當分段

孔子曰奢則不孫儉則固與其不孫也寧固又云如有周公之

才之美使驕且吝其餘不足觀也已然則可儉而不可吝也儉

者省約為禮之謂也 補省所景切案說文繫傳婿減也徐鍇謂顏氏家訓作此婿字今本殆亦後人所改

矣 吝者窮急不卹之謂也今有施則奢 補舊本皆作奢則儉則

吝如能施而不奢儉而不吝可矣

生民之本要當稼穡而食桑麻以衣蔬果之蓄園場之所產雞

豚之善墾圈之所生

補鑿垣而棲雞為墾見詩王風君子于役篇圈其眷切說文養畜之閑也

爰及

棟宇器械樵蘇脂燭

補漢書韓信傳樵蘇後爨方言蘇芥草也古者以麻蕒為燭灌以脂後世唯用牛羊

之脂又或以蠟或以柏或以樺

莫非種殖之物也至能守其業者閉門而為生

之具以足但家無鹽井耳

左思蜀都賦家有鹽泉之井劉良注蜀都臨邛縣江陽漢安縣皆有鹽井

巴西充國縣鹽井數十杜預益州記州有卓王孫鹽井舊常於此井取水煮鹽義熙十五年治井也

今北土風俗

率能躬儉節用以贍衣食江南奢侈多不逮焉

梁孝元世有中書舍人

隋書百官志中書省通事舍人舊入直閣內梁用人殊重簡以才能不限資地

多以他官兼領其後除通事直曰中書舍人

治家失度而過嚴刻妻妾遂其貨刺客

伺醉而殺之

世間名士但務寬仁至於飲食饜饋補饜與餉同式亮切饋求位切僮僕減損

補古僮僕作童童子作僮後乃互易此下家童字卻與古合施惠然諾妻子節量狎侮賓客

侵耗鄉黨此亦為家之巨蠹矣補蠹當故切比之食木之蟲

齊吏部侍郎房文烈補北史房法壽傳法壽族子景伯景伯子文烈位司徒左長史性溫柔未嘗嗔怒為

吏部郎時未嘗嗔怒經霖雨絕糧左氏隱九年傳凡雨自三日以往為霖遣婢糴

米因爾逃竄三四許日方復擒之房徐曰舉家無食汝何處來

竟無捶撻宋本有之意兩字注一本無嘗寄人宅補以宅寄人也奴婢徹屋為薪略

盡聞之輦蹙卒無一言

裴子野有疎親故屬飢寒不能自濟者皆收養之家素清貧時

逢水旱二石米為薄粥僅得徧焉躬自同之常無厭色南史裴松之傳

松之曾孫子野字幾原少好學善屬文居父喪每之墓所草爲之枯有白兔白鳩馴擾其側外家及中表貧乏所得奉悉給之

苦飢寒鄴下有一領軍也晉書職官志中領軍將軍魏官也文帝踐祚始置領軍將軍貪積已

甚家童八百誓滿一千宋本作朝夕每人此兩字俗閒本無肴

膳以十五錢爲率補音遇有客旅便俗閒本無以兼後坐事伏

法籍其家產補籍抄麻鞋一屋弊衣數庫其餘財寶不可勝言

補勝南陽有人隋書地理志南陽郡爲生奧博補言幽隱而廣

音升陸機君子有所思行善哉膏梁士營生奧且博補也性殊儉吝冬至

後女婿謁之乃設一銅甌酒數臠麇肉補臠力沈切切婿恨其

單率補所一舉盡之主人愕然俛仰命益如此者再退而責其

女曰某郎好酒故汝常貧宋本常及其死後諸子爭財兄遂殺

頁七  
卷一  
七  
渭南嚴氏孝

弟

婦主中饋惟事酒食衣服之禮耳

易家人六二无攸遂在中饋詩小雅斯干無非無儀惟酒

食是議魯語敬姜曰王后親織紉統公侯之夫人加之以紘經卿之內子為大帶命婦成祭服大夫之妻加之以朝服自庶人

以下皆衣其夫

國不可使預政家不可使幹蠱

易蠱爻辭幹父之蠱序卦傳蠱者事也案昔人

用幹蠱皆美辭

如有聰明才智識達古今正當輔佐君子

補謂良人

助其不

足必無牝雞晨鳴以致禍也

書牧誓牝雞無晨牝雞之晨惟家之索

江東婦女略無交遊其婚姻之家

補爾雅釋親壻之父為壻婦之父為壻之父母壻之父

母相謂為婚姻

或十數年間未相識者惟以信命贈遺致殷勤焉

補信使人

也命問也遺以醉切

鄴下風俗專以婦持門戶爭訟曲直造請逢迎

補造七到

切車乘填街衢

補乘食證切次下同

綺羅盈府寺

廣韻引風俗通府聚也公卿牧守道德之所聚

也釋名寺嗣也治事者嗣續於其內也

代子求官為夫訴屈

補為于偽切

此乃恆代之

遺風乎

閻若璩潛邱劄記有以恆代之遺風問者余曰拓跋魏郡郡屬恆州所云恆代之遺風謂是魏氏之舊俗耳

南閒貧素皆事外飾車乘衣服必貴

齊整家人妻子不免飢寒河北人事

元注一本作士字

多由內政綺羅

金翠不可廢闕羸馬頓奴僅充而已

補頓與粹同

倡和之禮或爾汝

之

補和胡臥切倡和謂夫婦世說惑溺篇載王安豐婦常卿安豐安豐曰婦人卿壻於禮為不敬後勿復爾是江南無爾汝

之稱也重校正南閒貧素起似當分段

河北婦人織紵組紉之事

補禮記內則女子十年不出姆教婉婉聽從執麻泉治絲繭織紵組紉鄭

注紉條正義紵為繪帛組紉俱為係也薄闊為組似繩者為紉音巡

黼黻錦繡羅綺之工大優於

江東也

案下當別為條

太公曰養女太多一費也陳蕃云盜不過五女之門女之為累

亦以深矣

後漢書陳蕃傳蕃字仲舉上疏曰諺云盜不過五女之門以女貧家也今後宮之女豈不貧國乎補累力

偽切然天生蒸民先人傳體其如之何世人多不舉女賊行骨肉

豈當如此而望福於天乎吾有疏親家饒妓媵誕育將及便遣

闔豎守之體有不安窺窗倚戶若生女者輒持將去母隨號泣

莫敢救之使人不忍聞也

婦人之性率寵子壻而虐兒婦寵壻則兄弟之怨生焉虐婦則

姊妹之讒行焉然則女之行畱皆得罪於其家者母實為之至

有諺云落索阿姑餐

補落索當時語大約冷落蕭索之意

此其相報也家之常弊

可不誠哉

婚姻素對靖侯成規

晉書孝友傳顏含字宏都琅邪莘人也豫討蘇峻功封西平縣侯拜侍中桓温求婚

於含含以其盛滿不許致仕二十餘年年九十三卒諡曰靖侯

補爾雅釋詁妃合會對也晉書衛瓘傳武帝勅瓘第四子宣尚

繁昌公主瓘自以諸生之胄婚對微

素抗表固辭案靖侯之推九世祖也近世嫁娶遂有賣女納財

買婦輸絹比量父祖計較錙銖責多還少市井無異或猥壻在

門或傲婦擅室貪榮求利反招羞恥可不慎歟

補古重氏族致有販鬻祖曾以

為賈道如沈約彈王源之所云者此風至唐時猶未衰止也庸猥之壻驕傲之婦唯不求佳對而但論富貴是以此

借人典籍皆須愛護先有缺壞就為補治此亦士大夫百行之

一也

補行下孟切

濟陽江祿

隋書地理志濟陰郡統縣九有濟陽縣補注南史附其高祖江夷傳祿字彥遐

幼篤學有文章位太子洗馬湘東王錄事參軍後為唐侯相卒

讀書未竟

補居慶切

雖有急速必待

卷束整齊

補卷居轉切

然後得起故無損敗人不厭其求假焉或有



狼籍几案分散部秩俗本作帙今從多為童幼婢妾之所點汗

風雨蟲鼠之所毀傷蟲本皆作犬宋本注一本實為累德吾每

讀聖人之書未嘗不肅敬對之其故紙有五經詞義及賢達姓

名不敢穢用也補穢褻也小學引賢

吾家巫覡禱請絕於言議符書章醮亦無祈焉竝汝曹所見也

勿為本皆無為字今妖妄之費補楚語下明神降之在男曰覡

禮男亦曰巫魏書釋老志化金銷玉行符勅水奇方妙術萬等

干條案道士設壇伏章祈禱曰醮蓋附古有醮祭之禮而名之

顏氏家訓卷第一終

渭南巖式誨斟鐫  
成都龔道耕重斟

顏氏家訓卷第二

風操 慕賢

風操第六

吾觀禮經聖人之教箕帚匕箸咳唾唯諾執燭沃盥皆有節文

亦為至矣

禮記曲禮上凡為長者糞之禮必加帚於箕上以袂

母以箸又曰摳衣趨隅必慎唯諾父召無諾先生召無諾唯而

起丙則在父母舅姑之所不敢噦噫咳欠伸跛倚睇視不敢

唾洩又曰進盥少者奉槃長者奉水請沃盥盥卒授巾問所欲

而敬進之少儀執燭不讓不辭不歌匕所以舉鼎肉者說文亦

所以取飯一曰糶咳苦愛切唾吐臥切唯于癸切注拘音鉤鄉

許亮切扱許急切噦於月切噫於界切洩亦作涕吐細切補帚

諸本皆作箒俗今改正管子弟子職昏將舉火執燭隅坐錯總

之法橫於坐所櫛之遠近乃承厥火居句如矩蒸閒容蒸然者

處下捧椀以為緒右手執燭左手正櫛有墮代燭案櫛亦但既

作聖謂燭燼緒亦燭之燼也墮倦也倦則易一人代之

渭南嚴氏孝

殘缺非復全書補復扶又切其有所不載及世事變改者學達君子

自為節度相承行之故世號士大夫風操補七到切而家門頗有不

同所見互稱長短然其阡陌亦自可知風俗通南北曰阡東西曰陌河東以東西為阡

南北為陌補阡陌猶言途徑此所引風俗通今逸見史記秦本紀索隱等書昔在江南目能視而見

之耳能聽而聞之蓬生麻中荀子勸學篇蓬生麻中不扶而直亦見大戴禮記不勞翰

墨汝曹生於戎馬之間視聽之所不曉故聊記錄宋本無錄字以傳

示子孫

禮云見似目瞿聞名心瞿禮記雜記免喪之外行於道路見似目瞿聞名心瞿鄭注似謂容貌似其

父母名與親同瞿九遇切驚變之意有所感觸惻愴心眼若在從容平常之地幸

須申其情耳補從七容切必不可避亦當忍之猶如伯叔兄弟酷類

先人可得終身腸斷與之絕耶又臨文不諱廟中不諱君所無

私諱禮記檀弓上文益知聞名須有消息補益各本皆作蓋訛今改正消息猶言節度無使徑情直

行也補顛沛踉蹌之意不必期於顛沛而走也梁世謝舉甚有聲譽聞諱

必哭為世所譏梁書謝舉傳舉字言揚中書令覽之弟幼好學能清言與覽齊名又有臧逢世

臧嚴之子也篤學修行不墜門風梁書文學傳臧嚴字彥威幼有孝性居父憂以毀聞孤貧

勤學行止書卷不離於手補案南史臧熹傳附載諸臧無逢世名行下孟切孝元經牧江州遣往建

昌督事梁書元帝紀大同六年出為使持節都督江州諸軍事鎮南將軍江州刺史隋書地理志九江郡舊曰江州豫

章郡統縣四補賧亦作箋博物志鄭康成注毛詩郡縣民庶競修賧書朝夕輻輳

日箋毛公嘗為北海相鄭是此郡人故以為敬案文選所載賧皆與王侯書蓋表之次也輻輳言如車輻之聚於轂也老子道

經三十輻共一轂補校正宋本賧作箋乃本字几案盈積書有稱嚴寒者必對之流涕

不省取記多廢公事物情怨駭竟以不辨而還此竝過事也

案下

當分

近在揚都

隋書地理志江都郡屬揚州

有一士人諱審而與沈氏交結周厚

沈與其書名而不姓此非人情也

案下當分

凡避諱者皆須得其同訓以代換之

補如漢人以國代邦以滿代盈以常代恆以開代啓

之類是也近世始以聲相近之字代之

桓公名白博有五皓之稱

宋玉招魂成梟而牟呼五白王

逸注五白博齒也倍勝為牟博亦作簿沈氏攷證博有五白齊威公名小白故改為五皓一本以博為傳者非補稱尺證切齊

桓作齊威此又宋人避諱改也之推作觀我生賦云慙四白之調護廁六友之談說乃以四皓為四白此非有所諱但取新耳

厲王名長琴有修短之目

漢書淮南厲王傳名長高祖少子所出未詳補案今淮南子凡長字俱作

修不聞謂布帛為布皓呼腎腸為腎修也梁武小名阿練

梁書武帝

紀高祖武皇帝諱衍字叔達小字練兒

子孫皆呼練為絹乃謂銷練物為銷絹物

恐乖其義或有諱雲者呼紛紜為紛煙有諱桐者呼梧桐樹為

白鐵樹便似戲笑耳

補案趙宋之時嫌名皆自避有因一字而避至數十字者此末世之失也又案下當分段

周公名子曰禽孔子名兒曰鯉

補家語本姓解十九娶宋之开官氏一歲而生伯魚魚之生也

魯昭公以鯉魚賜孔子孔子榮君之賜故因名曰鯉而字伯魚案开音堅漢韓勅碑作非官氏蓋隸體之變宋大中祥符封鄆

國夫人詔鄧名世姓氏書辨證王伯厚姓氏急就章元至正三年廟制詞竝以开官為并官誤也今從左傳桓六年正義作开

官止在其身自可無禁至若衛侯魏公子楚太子皆名蟣史記

韓世家襄王十二年太子嬰死公子咎公子蟣爭為太子時蟣蝨質於楚案戰國韓策作幾瑟此所云則未詳本或作虱乃

俗字長卿名犬子史記司馬相如傳蜀郡成都人也字長卿王修少時好讀書學擊劍故其親名之曰犬子

名狗子補魏志王修傳修字叔治北海營陵人不載名狗子語

上有連及理未為通古之

所行今之所笑也北土多名兒為驢駒豚子者使其自稱及

兄弟所名亦何忍哉前漢有尹翁歸漢書尹翁歸傳字子兄平陽人徙杜陵注兄讀曰況

後漢有鄭翁歸未詳梁家亦有孔翁歸梁書何遜傳會稽孔翁歸亦工為詩補金樓子雜記

篇孔翁歸解予言能屬文好飲酒氣韵標遠嘗語余曰翁歸不

畏死但願仲秋之時猶觀美月季春之日得翫垂楊有其二物

死所歸矣余謂斯言雖有過差無妨有才也又有顧翁寵晉代有許思妣孟少孤未

詳補注晉書隱逸傳如此名字幸當避之案下當分段重校正孟陋字少孤武昌人前漢有尹翁歸起似

今人避諱更急於古凡名子者當為孫地吾親識中有諱襄諱

友宋本脫諱同宋本作諱清諱和諱禹交疏造次一座百犯補交

疏當為疏交故容有不審者疏如字讀一云交往書疏則當音所去切造次倉猝也造七到切聞者辛苦無慘

賴焉

補廣韻廖落蕭切亦作聊本或作廖非案下當分段

昔司馬長卿慕藺相如故名相如

見史記本傳

顧元歎慕蔡邕故名

雍

沈氏攷證三國志顧雍字元歎以其為蔡邕所歎一本作元凱者非補雍與邕同

而後漢有朱張字

孫卿許暹字顏回梁世有庾晏嬰祖孫登

詳並未

連古人姓為名

字亦鄙事

宋本作才也案下當分段

昔劉文饒不忍罵奴為畜產

後漢書劉寬傳寬字文饒嘗坐客遣蒼頭市酒迂久大醉而還客不

堪之罵曰畜產寬使人視奴疑必自殺曰此人也罵言畜產故吾懼其死也補畜古音許又切今人呼昌六切

今世愚

人遂以相戲或有指名為豚犢者有識傍觀猶欲掩耳況當

俗本

作名今從宋本

之者乎

案下當分段

近在議曹共平章百官秩祿

補曹局也平章雖本尚書後世以為處當眾事之稱唐以後遂以繫



銜有一顯貴當世名臣意嫌所議過厚齊朝有一兩士族文學之人謂此貴曰今日天下大同須為百代典式豈得尚作關中

舊意

俗本有乎字宋本無案魏都關中齊承東魏都鄴

明公定是陶朱公大兒耳彼此

歡笑不以為嫌

史記越王句踐世家范蠡去齊居陶自謂陶朱公父子耕畜廢居致貲鉅萬生少子及壯而朱

公中男殺人囚於楚公遣其少子往視之裝黃金千鎰且遣少子長男固請行不聽其母為言乃遣長子為書遺故所善莊生曰至則進千金聽其所為慎無與爭事長男至莊生家發書進金如父言生曰可疾去慎無畱即弟出勿問所以然莊生雖居窮閭以廉直聞於國自王以下皆師尊之及朱公進金非有意受也欲成事後復歸之長男不知其意以為殊無短長也莊生入見楚王言某星宿某此則害於楚王曰今為柰何生曰獨以德為可以除之王乃使使者封三錢之府楚貴人告長男曰王且赦長男以為弟固當出復見莊生驚曰若不去耶曰固未也初為弟事弟今議自赦故辭生去生知其意欲得金曰若自入室取金長男即取金持去生羞為兒子所賣乃入見楚王曰臣前言某星事王欲以修德報之今道路皆言陶之富人朱

公之子殺人囚楚其家多持金錢賂王左右王非恤楚國而赦以朱公子故也王大怒令殺朱公子明日下赦令長男竟持其弟喪歸母及邑人盡哀之朱公獨笑曰吾固知必殺其弟也彼非不愛弟是少與我俱見苦為生難故重棄財至如少弟者生而見我富豈知財所從來故輕去之非所惜吝前日吾所為欲遣少子固為其能棄財故也長者不能故卒以殺其弟事之理也無足悲者吾日夜固以望其喪之來也

昔侯霸之子孫稱其祖父曰家公

後漢書侯霸傳霸字君房河南密人矜嚴有威容篤志好

學官至大司徒補王丹傳丹徵為太子少傅時大司徒侯霸欲與交友及丹被徵遣子昱侯於道昱迎拜車下丹下答之昱曰家公欲與君結交何為見拜丹曰君房有陳思王稱其父為

是言丹未之許也

案此孫字祖字或誤衍陳思王稱其父為

作**家父母為家母**魏志陳思王植傳字子建薨年四十一景初

賦序家父魏王乃命有司造寶刀五枚下文稱家王又敘愁賦序時家二女弟故漢皇帝聘以為貴人家母見二弟愁思云云

又釋思賦序家弟潘尼稱其祖曰家祖晉書潘岳傳岳從子尼出養族父郎中伊字正叔性靜退不競唯渭南嚴氏孝

以勤學著述為事永嘉中遷太常卿今集後人所掇拾者無家祖語古人之所行今人之所笑也

及補疑當南北風俗言其祖及二親無云家者田里猥人方有

此言耳謂鄙人凡與人言言已世父以次第稱之不云家者以

尊於父不敢家也凡言姑姊妹女子補儀禮喪服每言姑姊妹女子子鄭注女子子

者女子也別於男子也疏云男子女子各單稱子是對父母生稱今於女子別加一子故雙言二子以別於男一子者姑對姪

姊妹對兄弟已嫁則以夫氏稱之在室則以次第稱之言禮成他族

不得云家也子孫不得稱家者輕略之也蔡邕書集呼其姑女

為家姑家姊後漢書蔡邕傳邕字伯喈所著詩賦碑誄銘讚班

固書集亦云家孫後漢書班彪傳子固字孟堅所著典引賓戲應譏詩賦銘誄頌書文記論議六言在者凡

四十一篇補今班集亦未見今竝不行也案下當分段

凡與人言稱彼祖父母世父母父母及長姑皆加尊字自叔父

母以下則加賢字尊卑之差也補差楚宜切王羲之書稱彼之母與

自稱己母同不云尊字今所非也晉書王羲之傳羲之字逸少辯贍以骨鯁稱尤善隸書為

古今之冠拜護軍苦求宣城郡不許乃以為右軍將軍會稽內史補案今右軍諸帖中亦不見有此

南人冬至歲首不詣喪家補詣五計切至也喪息郎切若不修書則過節束

帶以申慰北人至歲之日重行弔禮補重直用切禮無明文則吾不

取南人賓至不迎相見捧手而不揖送客下席而已北人迎送

竝至門相見則揖皆俗本無此字宋本有古之道也吾善其迎揖

昔者王侯自稱孤寡不穀補老子德經是以侯王自謂孤寡不穀此其以賤為本邪非乎自茲

以降雖孔子聖師與門人言皆稱名也後雖有臣僕之稱行者

蓋亦寡焉

補史記高祖本紀呂公語劉季自稱臣張耳陳餘傳

他不能徧舉稱尺證切

江南輕重各有謂號具諸書儀

補隋書經

籍志內外書儀四卷謝元撰書儀二卷蔡超撰又十卷王宏撰又十卷唐瑾撰又書儀疏一卷周捨撰

北人多稱

名者乃古之遺風吾善其稱名焉

言及先人理當感慕古者之所易今人之所難江南人

俗本脫人字

事不獲已

各本此下有乃陳文墨愷愷無自言者宋本注云一本無此十字案無者是也有則與下複文章篇愷音

乎麥切

須言闕閱

補史記高祖功臣侯年表明其等曰伐積日日閱闕與伐同此闕閱猶言家世

必以文

翰罕有面論者北人無何便爾話說

顏師古注漢書翟方進傳無何猶言無幾謂少時

及相訪問如此之事不可加於人也人加諸己則當避之名位

未高如為勳貴所逼隱忍方便速報取了勿使

元注一本作取煩重感

辱祖父

補重直用切

若沒言須及者則斂容肅坐稱大門中

案家之稱門古

矣逸周書皇門解會羣門蓋言眾族姓也又曰大門宗子

世父叔父則稱從兄弟門中兄弟

則稱亾者子某門中各以其尊卑輕重為容色之節皆變於常

若與君言雖變於色猶云亾祖亾伯亾叔也吾見名士亦有呼

其亾兄弟為兄子弟子門中者亦未為安帖也北土風俗

元注一本

無風都不行此太山羊侃梁初入南

侃同侃梁書羊侃傳侃字祖忻泰山梁甫人祖規陷

魏父社魏侍中金紫光祿大夫侃以大通三年至京師晉書地理志泰山郡漢置屬縣有梁父案泰太甫父俱通用

吾近

至鄴其兄子肅訪侃委曲

補魏書羊深傳深字文淵梁州刺史社第二子也子肅武定末儀同開府

東閣祭酒吾答之云卿從門中在梁如此如此

補從疾用切下同

肅曰是我

親第七亾叔非從也祖孝徵在坐

北齊書祖珽傳珽字孝徵范陽狄道人

先知江

南風俗乃謂之云賢從弟門中何故不解

案下當分段

古人皆呼伯父叔父而今世多單呼伯叔

案伯仲叔季兄弟之次故稱諸父必連父

為稱從父 俗本脫

兄弟姊妹已孤而對其前呼其母為伯叔母此

不可避者也兄弟之子已孤與他人言對孤者前呼為兄子弟

子頗為不忍北土人多呼為姪案爾雅喪服經左傳姪名雖通

男女竝是對姑之

宋本作立稱

沈氏攷證爾雅云女子謂舅弟之子為姪左傳云姪其從姑喪服經亦一

書也隋書經籍志喪服經傳及疏義凡十餘家一本作喪服經者非案爾雅見釋親左傳在僖十四年喪服經在儀禮內子夏

為之傳其大功九月章姪丈夫婦人報傳曰姪者何也謂吾姑者吾謂之姪補呂氏春秋疑似篇黎邱有奇鬼焉喜效人之子

姪昆弟之狀此即稱兄弟之子為姪所自始自唐以前言喪服者俱有專家而今人士率不措意可慨也夫稱尺證切

世已來始呼叔姪今呼為姪於理為勝也

別易會難古人所重江南餞送下泣言離有王子侯梁武帝弟

出為東郡

續漢書郡國志東郡秦置屬兗州隋書地理志同

與武帝別帝曰我年已老

與汝分張甚以

元注一本作心字

惻愴數行淚下

補行胡郎切

侯遂密雲

易小

畜彖密雲不雨補語林有人詣謝公別謝公流涕人了不悲既去左右日向客殊自密雲謝公曰非徒密雲乃是早雷案以不

雨泣為密雲止可施於小說若赧然而出

補說文赧面慙赤也奴版切俗作赧坐

此被責飄飄舟渚一百許日卒不得去北聞風俗不屑此事岐

路言離歡笑分首然人性自有少涕淚者腸雖欲絕目猶爛然

如此之人不可強責

補強其兩切孔叢子儒服篇子高遊趙有鄒文季節者與子高相友善及將還魯文

節送行三宿臨別流涕交頤子高徒抗手而已其徒問曰此無乃非親親之謂乎子高曰始吾謂此二子丈夫耳乃今知其婦

人也人生則有四方之志豈鹿豕也哉而常羣聚乎案子高之言於朋友則可然不可以概之天倫也



凡親屬名稱皆須粉墨

補謂修飾

不可濫也無風教者其父已孤呼

外祖父母與祖父母同使人為其不喜聞也

補為于偽切為其猶言代彼人

雖

質於面皆當加外以別之

補質於面謂親見外祖父母亦必當稱外也別彼列切下同

父母

之世叔父皆當加其次第以別之父母之世叔母皆當加其姓

以別之父母之羣從世叔父母

補從直用切下同

及從祖父母皆當加

其爵位若姓以別之河北士人皆呼外祖父母為家公家母

補家

母似當作家婆古樂府阿婆不嫁女那得孫兒抱

江南田里閒亦言之以家代外非吾

所識

案下當分段

凡宗親世數有從父有從祖有族祖江南風俗自茲已往高秩者通呼為尊同昭穆者雖百世猶稱兄弟若對他人稱之皆云

族人河北士人雖三二十世猶呼爲從伯從叔梁武帝嘗問一中土人曰卿北人何故不知有族答云骨肉易疎不忍言族耳

當時雖爲敏對於禮未通

案下當分段

吾嘗問周宏

瑚肱切

讓曰

陳書周宏正傳弟宏讓性閒素博學多通天嘉初以白衣領太常卿光祿大夫

加金章紫綬

父母中外姊妹何以稱之

補稱之如字下之稱尺證切今皆無別矣

周曰亦

呼爲丈人自古未見丈人之稱施於婦人也吾親表所行若父

屬者爲某姓姑母屬者爲某姓姨中外丈人之婦猥俗呼爲丈

母士大夫謂之王母謝母云而陸機集有與長沙顧母書乃其

從叔母也今所不行

晉書地理志長沙郡屬荊州陸機傳字士衡吳郡人少有異才文章冠世伏膺儒術

非禮不動年二十而吳滅退居舊里閉門勤學太康末與弟雲俱入洛造太常張華華素重其名如舊相識曰伐吳之役利獲

二俊補陸此書今  
已案下當分段

齊朝士子皆呼祖僕射為祖公

北齊書後主紀武平三年二月以左僕射唐邕為尚書令侍中

祖珽為左僕射射音夜

全不嫌有所涉也

補案祖父稱公今連祖姓稱公故云嫌有所涉然則稱姓家者

亦不可云家公乃有對面以相

元注一本作寫字

戲者

古者名以正體字以表德名終則諱之

補左氏桓六年傳文

字乃可以為

孫氏

孫以王父字為氏如公子展之孫無駭李公命以其字為展氏見左氏隱八年傳

孔子弟子記事

者皆稱仲尼呂后微時嘗字高祖為季

史記高祖本紀姓劉氏字季秦始皇帝常曰東

南有天子氣於是因東遊以厭之高祖即自疑亡匿隱於芒碭山澤巖石之間呂后與人俱求常得之高祖怪問之呂后曰季

所居上常有雲氣故從往常得季

至漢爰種字其叔父曰絲

漢書爰盜傳益字絲徒為吳相兄子

種謂絲曰吳王驕日久國多姦今絲欲刻治彼不上書告君則利劍刺君矣南方卑溼絲能日飲亡何說王母反而已如此幸

得脫王丹與侯霸子語字霸為君房後漢書王丹傳丹字仲回京兆下邳人餘見前稱祖父曰

家公江南至今不諱字也河北士人全不辨之名亦呼為字字

固各本此下有因字似衍文呼為字尚書王元景兄弟皆號名人其父名雲

字羅漢一皆諱之其餘不足怪也北齊書王昕傳昕字元景北海劇人父雲仕魏朝有名望

昕少篤學讀書楊愔重其德業以為人之師表除銀青光祿大夫判祠部尚書事弟晞字叔朗小名沙彌幼而孝謹淹雅有器

度好學不倦美容儀有風則武平初遷大鴻臚加儀同三司性恬淡寡欲雖王事鞅掌而雅操不移良辰美景嘯咏遨遊人士

謂之物外司馬補魏書王憲傳憲子嶷嶷子雲字羅漢頗有風尚兗州刺史坐受所部財貨御史糾劾付廷尉遇赦免卒贈豫

州刺史諡曰文昭有九子長子昕昕弟暉暉弟盱

禮間傳云斬纜之哭若往而不反齊纜之哭若往而反大功之

哭三曲而偯小功總麻哀容可也此哀之發於聲音也補間傳禮記篇

渭南嚴氏孝

名間如字傳張戀切鄭目錄云以其記喪服之間輕重所宜也  
續本作衰倉回切下同齊即夷切亦作齋三曲各本皆譌作三

哭今依本書改正鄭注三曲一舉聲而三折  
也依聲餘從容也釋文餘起切說文作恣 孝經云哭不偯喪親

章孝子之喪親也哭不偯禮無容服美不  
安聞樂不樂食旨不甘此哀感之情也 皆論哭有輕重質文

之聲也禮以哭有言者為號補戶刀切下同然則哭亦有辭也江南喪

哭時有哀訴之言耳山東重喪則唯呼蒼天補重如字下同碁功以下

則唯呼痛深便是號而不哭補案此語則上文禮以哭有言為號應作無言

江南凡遭重喪若相知者在城邑三日不弔則絕之除喪雖

相遇則避之怨其不已憫也有故及道遙者致書可也無書亦

如之北俗則不爾補爾如此也江南凡弔者主人之外不識者不執

手識輕服而不識主人則不於會所而弔他日修名詣其家

陰陽說云辰為水墓又為土墓故不得哭水土俱長生於申故墓俱在辰王充

論衡云辰日不哭哭則重喪後漢書王充傳充字仲任會稽上虞人家貧無書常遊洛陽市肆閱

所賣書一見輒能誦憶遂博通眾流百家之言以為俗儒守文多失其真乃閉戶潛思絕慶弔之禮戶牖牆壁各置刀筆著論

衡八十五篇補此所引論衡見辯崇篇重直龍切喪如字下同今無教者辰日有喪不問輕重

舉家清謚補爾雅釋詁謚靜也音密不敢發聲以辭弔客道書又曰晦歌朝

哭皆當有罪天奪其算補道書道家之書喪家朔望哀感彌深寧當惜

壽又不哭也亦不諭元注一本無亦不諭三字

偏傍之書死有歸殺補偏傍之書謂非正書俗本殺作煞道家多用之此從宋本死有煞日今杭人讀為

所介子孫逃竄莫冑在家畫瓦書符作諸獸勝補北人逃煞南人接煞余在江

寧其俗不知有煞畫喪出之日門前然火戶外列灰補列俗本

平卦切馱於涉切

頁

卷二

渭南嚴氏孝

宋本門前然火今補祓送家鬼章補斷注連補祓敷勿切又音廢去也補斷徒管切凡如

此比不近有情乃儒雅之罪人彈議所當加也補彈奴干切

已孤而履歲補此下疑補當有朝字及長至之節無父拜母祖父母世叔父

母姑兄姊則皆泣補說文泣無聲出涕也無母拜父外祖父母舅姨兄姊

亦如之此人情也

江左朝臣子孫初釋服朝見二宮皆當泣涕補朝陟遙切見胡補電切二宮帝與太

也補子二宮為之改容補偽切頗有膚色充澤無哀感者梁武薄其

為人多被抑退裴政出服問訊武帝貶瘦枯槁涕泗滂沱武帝

目送之曰裴之禮不死也南史裴邃傳子之禮字子義母憂居喪惟食麥飯邃廟在光宅寺西堂宇

宏做柏松鬱茂范雲廟在三橋蓬蒿不翦梁武帝南郊道經二廟顧而歎曰范為已死裴為更生之禮卒於少府卿謚曰壯子

政承聖中位給事黃門侍郎魏剋江陵隨例入長安北史裴政傳政字德表仕隨為襄陽總管令行禁止稱為神明著承聖實

錄一

二親既沒所居齋寢子與婦弗忍入焉北朝頓丘李構宋書州郡志頓

邱二漢屬東郡魏屬陽平武帝泰始二年分淮陽置頓邱郡縣屬焉母劉氏夫人叵後所住之堂

終身鑱閉弗忍開入也補鑱說文作鎖夫人宋廣州刺史纂之孫女宋書

州郡志廣州刺史吳孫休永安七年分交州立領郡十七縣一百三十六故構猶染江南風教其父

獎為揚州刺史鎮壽春遇害同上揚州刺史前漢未有治所後漢治歷陽魏晉治壽春補北史李

崇傳崇從弟平平子獎字遵穆容貌魁偉有當世才度元顥入洛以獎兼尚書左僕射慰勞徐州羽林及城人不承顥旨害獎

傳首洛陽孝武帝初詔贈冀州刺史子構字祖基少以方正見稱襲爵武邑郡公齊初降爵為縣侯位終太府卿構常以雅道

自居甚為名流所重構嘗與王松年祖孝徵數人同席談讌補北齊書王松年傳少知

渭南嚴氏孝



名文襄臨并州辟為主簿孝昭擢拜給事黃門侍郎孝昭崩護梓宮還鄴哭甚流涕武成雖忿松年戀舊情切亦雅重之以本官加散騎常侍

食高邑縣侯

孝徵善畫補胡遇有紙筆圖寫為人頃之因割

鹿尾戲截畫人以示構而無他意構愴然動色便起就馬而去

舉坐驚駭莫測其情祖君尋悟方深反側當時罕有能感此者

吳郡陸襄父閑被刑襄終身布衣蔬飯雖薑菜有切割皆不忍

食居家唯以招摘供廚補南史陸慧曉傳閑字遐業慧曉兄子

駕永元末刺史始安王遙光據東府作亂閑以綱佐被收尚書令徐孝嗣啓閑不預逆謀未及報徐世標命殺之四子厥絳完

襄也襄本名衰字趙卿有奏事者誤字為襄梁武帝乃改為襄字師卿太清元年為度支尚書襄弱冠遭家禍釋服猶若居憂

終身蔬食布衣不聽音樂口不言

殺害招苦洽切玉篇瓜按曰招江寧姚子篤母以燒死終身

不忍噉炙補噉徒濫切與啗啖豫章熊康父以醉而為奴所殺

終身不復嘗酒

補晉書地理志豫章郡屬揚州復扶又切

然禮緣人情恩由義斷

補丁

亂切親以噎死亦當不可絕食也

元注一本無當字有也字一本有當字無也字

禮經父之遺書母之杯圈感其手口之澤不忍讀用

補禮記玉藻父沒而

不能讀父之書手澤存焉爾母沒而杯圈不能飲焉口澤之氣存焉爾鄭注圈屈木所為謂厄也之屬釋文圈起權切案亦作

卷政為常所講習讎校繕寫

補為于偽切左太冲魏都賦讎校篆籀案讎謂一人持本一人讀之

若怨家相對有誤必舉不肖少恕也漢劉向校中祕書凡一書竟奏上每云皆定以殺青可繕寫後漢書盧植傳臣前以周禮

諸經為之解詁無力供繕寫上章懷注繕善也及偏加服用有迹可思者耳若尋常墳

典為生什物安可悉廢之乎

補孔安國尚書序伏羲神農黃帝之書謂之三墳言大道也少昊顓

頊高辛唐虞之書謂之五典言常道也史記五帝本紀舜作什器於壽邱索隱什數也蓋人家常用之器非一故以十為數猶

今云什物也既不讀用無容散逸惟當緘係以畱後世耳

補緘古咸切封也案

下當分段

思魯等第四舅母親吳郡張建女也有第五妹三歲喪母

補喪息浪

切靈牀上屏風平生舊物屋漏沾溼出暴曬之

補暴蒲木切曬所賣切

女

子一見伏牀流涕家人怪其不起乃往抱持薦席淹漬精神傷

沮

補淹漬御覽引作淚漬漬疾智切浸潤也沮慈呂切消沮也

不能飲食將以問醫醫診脈

云腸斷矣因爾便吐血數日而亾中外憐之莫不悲歎

禮云忌日不樂

補禮記祭義君子有終身之喪忌日之謂也忌日不用非不祥也言夫日志有所至而不敢盡

其私也樂如字一音洛

正以感慕罔極惻愴無聊故不接外賓不理眾務

耳必能悲慘自居何限於深藏也世人或端坐奧室

補奧室深隱之室禮

記仲尼燕居室而無奧阼則亂於堂堂也

不妨言笑盛營甘美厚供齋食迫有急卒

補與

密感至交盡無相見之理蓋不知禮意乎

案下當分段

魏世王修母以社日亾來歲社日

各本俱脫日字宋本作來歲有社亦誤案御覽引蕭廣濟

孝子傳載此事有日字今據補

修感念哀甚鄰里聞之為之罷社

魏志王脩傳脩字叔治北

海營陵人七歲喪母下載此事

今二親喪亾

補喪息浪切

偶值伏臘分至之節

補歷忌釋

四時代謝皆以相生至於立秋以金代火金畏火故至庚日必伏庚者金也陰陽書從夏至後第三庚為初伏第四庚為中伏

立秋後初庚為後伏亦謂之末伏史記秦本紀德公始為伏祠魏臺訪議王者各以其行盛日為祖衰日為臘漢火德火衰於

戊故以戊日為臘魏晉以下以此推之分春秋分至冬夏至

及月小晦後忌之日

俗本作外今從宋本

重校正宋本法

所經

補蓋謂親或以月大盡亾而所值之月只一本作外字有二十九日乃月小之晦日即以為親之

忌日所

此日猶應感

元注一本作思

慕異於餘辰不預飲讌聞聲樂及

行遊也

劉縉緩綏兄弟竝為名器其父名昭

沈氏攷證南史劉昭本傳子縉緩附一本以昭為照

者非補縉

一生不為照字惟依爾雅火傷作召耳

梁書文學傳劉昭字宣卿

平原高唐人集後漢同異以注范書為刻令率子縉字言明通三禮大同中為尚書祠部郎尋去職不復仕弟緩字含度歷官湘東王記室時西府盛集文學緩居其首隨府轉江州率綏本傳不載疑此字衍爾雅釋蟲螢火即炤然凡文與

正諱相犯當自可避其有同音異字不可悉然劉字之下即有

昭音

補案古蕭豪尤侯音皆通

呂尙之兒如不為上

史記齊世家太公呂尙者東海上人

趙壹

之子儻不作一

後漢書趙壹傳壹字元叔漢陽西縣人

便是下筆即妨是書皆觸

也

案下當分段

嘗有甲設讌席請乙為賓而旦於公庭見乙之子問之曰尊侯

早晚顧宅乙子稱其父已往

補從他人稱之可云其父親子稱父不容亦著其字至對甲言當云

已赴嘉招亦不當言已往時以為笑如此比例觸類慎之不可陷於輕脫

江南風俗兒生一暮為製新衣盥浴裝飾補為于偽切男則用

弓矢紙筆女則刀尺鍼縷補刀剪刀鍼古作箴今又作針縷線也力主切竝加飲食之

物及珍寶服玩置之兒前觀其發意所取以驗貪廉愚智名之

為試兒補子生周年謂之降子對切見說文其試兒之物今人謂之降盤親表聚集致讌享焉

自茲已後二親若在每至此日常有酒食之事耳無教之徒雖

已孤露其日皆為供頓酣暢聲樂不知有所感傷梁孝元宋本有帝

字年少之時每八月六日載誕之辰常設齋講自阮修容薨歿

之後此事亦絕梁書后妃傳高祖阮脩容諱令羸本姓石會稽餘姚人齊始安王遙光納焉遙光敗入東昏宮

建康城平高祖納為綵女天監六年八月生世祖尋拜為修容  
隨世祖出蕃大同六年六月薨於江州內寢世祖即位追崇為

文宣太后補金樓子稱宣修容會稽上虞人以大同九年太歲癸亥六月二日薨與史不同

人有憂疾則呼天地父母自古而然補史記屈原傳夫天者人之始也父母者人之本也

人窮則反本故勞苦倦極未嘗不呼天也疾痛慘怛未嘗不呼父母也補言今世諱避觸途急切補言今世

以呼天呼父母為觸忌也蓋嫌於有怨恨祝詛之意故不可也而江東士庶痛則稱禰禰是父

之廟號父在無容稱廟父歿何容輒呼蒼頡篇有侑字元注下交切痛

聲也補案侑字音見下此音疑非顏氏本有訓詁云痛而諱也元注諱音羽罪反今

北人痛則呼之漢書藝文志蒼頡一篇秦丞相李斯作揚雄杜林皆作訓纂杜林又作蒼頡故故即詁也聲

類音于耒反隋書經籍志聲類十卷魏左校令李登撰案俗本作于來反今從宋本今南人痛或

呼之此二音隨其鄉俗竝可行也補案侑字今讀肴不與古音合又轉為喞今俗痛呼阿喞

音育聲隨俗變無定字也

梁世被繫劾者

補劾胡槩切又胡得切推劾也

子孫弟姪皆詣闕三日露跣陳

謝子孫有官自陳解職子則草屨麤衣

補屨居勺切草履也麤疏也布帛之等縷小者

則細良縷大者則疏惡

蓬頭垢面周章道路要候執事

補周章章惶也也要於宵切亦作邀

叩頭流血申訴冤枉若配徒隸諸子竝立草庵於所署門

補庵烏舍

切廣韻小

不敢寧宅動經旬日官司驅遣然後始退江南諸憲

司彈人事事雖不重

重校正各本皆誤衍一事字

而以教義見辱者

補兩事字似衍

或被輕繫而身死獄戶者皆為怨讎

宋本怨作死注一本作怨字案怨字是讀作冤

子孫三世不交通矣到洽為御史中丞初欲彈劉孝綽其兄漑

先與劉善苦諫不得乃詣劉涕泣告別而去

梁書到洽傳洽字茂洽彭城武原人

普通六年遷御史中丞彈糾無所顧望號為勁直當時肅清到漑傳漑字茂灌少孤貧與弟洽俱聰敏有才學劉孝綽傳孝綽



字孝綽彭城人本名冉小字阿士與到洽友善同遊東宮自以才優於洽每於宴坐嗤鄙其文洽銜之及孝綽為廷尉正攜妾入官府其母猶停私宅洽尋為御史中丞遣令史案其事遂劾奏之云攜少妹於華省棄老母於下宅高祖為隱其惡改妹為

姝坐免官

兵凶戰危

補漢書鼂錯傳兵凶器戰危事也以

非安全之道古

者天子喪服以臨師將軍鑿凶門而出

淮南子兵略訓主親操斧鉞授將軍將辭而行

乃爪鬣設明衣鑿凶門而出  
補老子道經吉事尚左凶事尚右偏將軍居左上將軍處右言以喪禮處之

父祖伯叔

若在軍陣

補陣乃陳之俗體

貶損自居不宐奏樂讌會及婚冠吉慶事

也

補冠古玩切

若居圍城之中憔悴容色除去飾玩

補去羌舉切

常為臨

深履薄之狀焉

父母疾篤醫雖賤雖少

補詩詔切

則涕泣而拜之以求哀也梁孝元

在江州嘗有不豫世子方等親拜中兵參軍李猷焉

元注一本無焉字梁

書世祖二子傳忠壯世子方等字實相世祖長子母曰徐妃隋書百官志皇弟皇子府置功曹史錄事記室中兵等參軍

四海之人結為兄弟亦何容易必有志均義敵令終如始者方

可議之一爾之後命子拜伏呼為丈人申父友之敬

友宋本作交注一本

作友補古者與其子相友則拜其親謂之拜親之交馬援有疾

梁松來候之獨拜牀下援不答孔融先與陳紀友後與其子羣

交更為羣拜紀魯肅拜呂蒙母結

友而別諸史所載如此者非一身事彼親亦宜加禮比見北

人甚輕此節行路相逢便定昆季望年觀貌不擇是非至有結

父為兄託子為弟者

昔者周公一沐三握髮一飯三吐餐以接白屋之士一日所見

七十餘人

見荀子而文小異說苑亦載之補荀子堯問篇說苑尊賢篇及尚書大傳唯載見士其握髮吐哺見史記

魯世家

晉文公以沐辭豎頭須致有圖反之誚

見左僖二十四年傳

門不停

賓古所貴也

補晉書王渾傳渾撫循羈旅虛懷綏納座無空席門不停賓故江東之士莫不悅附

失教之

家闔寺無禮或以主君寢食嗔怒拒客未通江南深以為恥黃

門侍郎裴之禮

隋書百官志門下省置侍中給事黃門侍郎各四人

號善為士大夫有如

此輩對賓杖之其門生僮僕接於他人折旋俯仰辭色應對莫

不肅敬與主無別也

號善為以下宋本作好待賓客或有此輩對賓杖之僮僕引接折旋俯仰莫不肅敬

與主無別注一本作云云

### 慕賢第七

古人云千載一聖猶旦暮也五百年一賢猶比髀也

補孟子外書性善辨

千年一聖猶旦暮也鬻子第四聖人在上賢士百里而有一人則猶比

肩也髀補各切 言聖賢之難得疏闊如此儻遭不世明達君子

安可不攀附景仰之乎補法言淵騫篇攀龍鱗附鳳翼後漢書劉愷傳賈逵上書稱愷景仰前修案宋

以來以詩云高山仰止景行行止箋訓景為明不可用作景慕

義真西山初慕元德秀而同其名因字景元後悟其非改為希

元鶴林玉露辨之綦詳不知景仰之語古矣此亦用之章懷於

愷傳百僚景式下注云景猶慕也是唐人猶不若宋人之拘泥

也 吾生於亂世長於戎馬補長張 流離播越補流離見詩邶旌邱播越見左昭二

十六年傳聞見已多所值名賢未嘗不心宋本 醉魂迷向慕之也人

在少年神情未定所與款狎熏漬陶染言笑舉動宋本 無心於

學潛移暗化自然似之何況操履藝能較明易習者也補易弋

讀為 耶 是以與善人居如入芝蘭之室久而自芳也與惡人居如

入鮑魚之肆久而自臭也本家語 墨翟悲於染絲淮南子說林

訓墨子見練 渭南嚴氏孝

絲而泣之為其是之謂矣君子必慎交遊焉孔子曰無友不如

己者顏閔之徒何可世得但優於我便足貴之

案下當分段

世人多蔽貴耳賤目

補見張衡東京賦

重遙輕近少長周旋

補少詩照切長張丈

切如有賢哲每相狎侮不加禮敬

補禮記曲禮上賢者狎而敬之又曰禮不踰節不侵侮不

好狎鄭注為傷敬也

他鄉異縣

補見蔡邕詩

微藉風聲延頸企踵

補見漢書蕭望之傳甚

於飢渴校其長短覈其精麤或彼不能如此矣

俗本無兩其字宋本有下句作

或能彼不能此矣

所以魯人謂孔子為東家丘

裴松之注魏志邴原傳引原別

傳曰原遠游學詣安邱孫崧崧辭曰君鄉里鄭君誠學者之師模也君乃舍之所謂以鄭為東家某者也原曰君謂僕以鄭為

東家某以僕為西家愚夫邪

昔虞國宮之奇少長於君君狎之不納其諫以

至亾國

見左氏僖五年傳

不可不畱心也

案下當分段

用其言弃其身古人所恥

左氏定九年傳鄭駟歇殺鄧析而用其竹刑君子謂子然於是乎不忠用

其道不弃其人詩云蔽芾甘棠勿剪勿伐召伯所芟思其人猶愛其樹況用其道而不恤其人乎

凡有一言一

行

補下孟切

取於人者皆顯稱之不可竊人之美以為己力雖輕雖

賤者必歸功焉竊人之財刑辟之所處

補辟婢亦切

竊人之美鬼神

之所責

案下當分段

梁孝元前在荊州

補梁書元帝紀普通七年出為使持節都督荆湘郢益寧南梁六州諸軍事西中郎將荆

州刺史

有丁覬者洪亭民耳頗善屬文

補屬之欲切

殊工草隸孝元書

記一皆使之

補後漢書百官志記室令史主上章表報書軍府記重校正宋本作使典之注云一本無典字

軍府

輕賤多未之重恥令子弟以為楷法

補令力丁切禮記儒行今世行之後世以為楷時

云

元注一本無時云字

丁君十紙不敵王褒數字

宋本作王君一字注一本云王褒數字周書王

渭南嚴氏孝

衰傳衰字子淵琅邪臨沂人梁國子祭酒蕭子雲衰之姑夫也特善草隸衰以姻戚去來其家遂相模範俄而名亞子雲竝見

重於世吾雅愛其手迹常所寶持孝元嘗遣典籤惠編南史恩倖呂文顯傳

故事府州部內論事皆籤前直敘所論之事後云謹籤日月下又云某官某籤故府州置典籤以典之惠姓編名送文

章示蕭祭酒補隋書百官志國祭酒問云君王比賜書翰及寫

詩筆殊為佳手姓名為誰那得都無聲問編以實答子雲歎曰

此人後生無比遂不為世所稱亦是奇事於是聞者少復刮目

裴松之注吳志呂蒙傳引江表傳呂蒙稍仕至尚書儀曹郎隋書

謂魯肅曰士別三日即更刮目相待末為晉安王侍讀隨王東下及西臺陷

虞曹等郎二十三人梁書簡文帝紀天前所輕者後

歿簡牘湮散丁亦尋卒於揚州監五年封晉安王思一紙不可得矣案下當分段

侯景初入建業

南史賊臣傳侯景字萬景魏之懷朔鎮人初事爾朱榮高歡誅爾朱氏景以眾降武帝封景河南王大將

萬專制河南太清元年二月上表求降武帝封景河南王大將軍使持節都督河南北諸軍事大行臺及與魏通和二年八月

遂發兵反吳志孫權傳十六年徙治秣陵明年城石頭改秣陵為建業臺門雖閉補容齋隨筆晉

近為臺故稱禁城為臺城官軍為臺軍使為臺使案此臺門亦謂臺城門也公私草擾各不自全太

子左衛率羊侃坐東掖門部分經略一宿皆辦遂得百餘日

抗拒兇逆

羊侃見前梁書本傳中大通六年出為晉安太守頃之徵太子左衛率太清二年復為都官尚書侯景反

侃區分防擬皆以宗室閒之賊攻東掖門縱火甚盛侃親自距抗以水沃火火滅賊為尖頂木驢攻城矢石所不能制侃作雉

尾炬施鐵鑊以油灌之擲驢上焚之俄盡賊又東西兩面起土山以臨城侃命為地道潛引其土山不能立賊又作登城樓車

高十餘丈欲臨射城內侃曰車高壅虛彼來必倒及車動果倒後大雨城內土山崩賊乘之垂入侃乃令多擲火為火城以斷

其路徐於裏築城賊不能進十於時城內四萬許人王公朝士二月邁疾率于臺內分扶問切



不下一百便是恃侃一人安之其相去如此古人云巢父許由

讓於天下

高士傳巢父者堯時隱人也以樹為巢而寢其上故時人號曰巢父堯之讓許由也由以告巢父巢父曰

汝何不隱汝形藏汝光若非吾友也又曰許由字武仲陽城槐里人也堯召為九州長由不欲聞之洗耳於潁水濱巢父曰汚

吾犢口牽犢上流飲之父音甫

市道小人爭一錢之利亦已懸矣

齊文宣帝即位數年便沈湎縱恣略無綱紀尙能委政尙書令

楊遵彥內外清謐朝野晏如各得其所物無異議終天保之朝

北齊書文宣帝紀顯祖文宣皇帝諱洋字子進高祖第二子世宗之母弟受東魏禪即皇帝位改武定八年為天保元年六七

年後以功業自矜縱酒肆欲事極猖狂昏遵彥後為孝昭所戮

邪殘暴近世未有補沈直深切謚彌畢切

刑政於是衰矣孝昭帝紀諱演字延安神武第六子文宣之母弟文宣崩幼主即位除太傅錄尙書事朝政皆

淩於帝乾明元年從廢帝赴鄴居於領軍府時楊愔等以帝威望既重內懼權逼請以帝為太師司州牧錄尙書事解京畿大

都督帝時以尊親而見猜斥乃與長廣王謀至省坐定酒數行於坐執愔等斬於御府之內楊愔傳愔字遵彥宏農華陰人小名秦王遵彥死以中書令趙彥深代領機務鴻臚少卿陽休之私謂人曰將涉千里殺騏驥而策蹇驢可悲之甚

斛律

明月齊朝折衝之臣無罪被誅將士解體周人始有吞齊之志關中人至今譽之此人用兵豈止萬夫之望而已也國之存亡

係其生死

斛律金傳金子光字明月周將軍韋孝寬忌光英勇乃作謠言令閒諜漏其文於鄴祖珽穆提婆遂相與

協謀以謠言啓帝遣使賜其駿馬光來謝引入涼風堂劉桃枝自後拉而殺之於是下詔稱光謀反尋發詔盡滅其族周武帝後入鄴追贈上柱國公指詔書曰此人若在朕豈能至鄴補呂氏春秋召類篇孔子曰修之於廟堂之上而折衝乎千里之外者其司城子罕之謂乎注衝車所以衝突敵之車有道之國使欲攻己者折還其衝車於千里之外不敢來也將子亮切解體見左氏成八年傳萬夫之望見易繫辭下傳

張延雋之爲晉州行臺左丞匡維主將鎮撫疆場

補音儲積器

用愛活黎民隱若敵國矣

後漢書吳漢傳諸將見戰陳不利或多惶懼漢意氣自若帝時遣人觀大

司馬何為還言方脩戰攻之具乃歎曰吳公差彊人意隱若一敵國也  
補漢書游俠傳劇孟以俠顯吳楚反時天下騷動大將軍得之若一敵國然  
案張延雋不見於史  
補注張延雋見北周

書孝義傳張元之父元河北芮城人父延雋仕州郡累為功曹

主簿以純至  
羣小不得行志同力遷之既代之後公私擾亂周

師一舉此鎮先平

北史周本紀武帝建德五年十月帝總戎東伐遣內史王諒攻晉州城是夜虹見於晉州

城上首向南尾入紫宮帝每日赴城督戰齊行臺左丞侯子欽

出降王申晉州刺史崔嵩密使送款上開府王軌應之未明登

於是在矣

城遂克晉州甲戌以上開府  
齊亾之迹  
宋本作齊國之亾  
注  
啓

渭南嚴式誨斟鐫

顏氏家訓卷第二

成都龔道耕重斟

顏氏家訓卷第三

勉學

勉學第八

自古明王聖帝猶須勤學況凡庶乎此事徧於經史吾亦不能

鄭重聊舉近世切要以啓寤汝耳

補漢書王莽傳注鄭重猶言頻煩也啓開也寤覺也與悟

通士大夫子弟數歲已上莫不被教多者或至禮傳少者不失

詩論

補上時掌切傳張戀切論如字謂論語

及至冠婚體性稍定

補冠古玩切

因此天

機倍須訓誘有志尙者遂能磨礪以就素業無履立者自茲墮

慢便爲凡人

補天機言後生入世未深其本來之性尙未爲物欲所汨也素業清素之業魏志徐胡傳評胡質素

業貞粹履立謂操履樹立墮徒果切與惰同

人生在世會當有業農民則計量耕稼

商賈則討論貨賄

補量音良賈音古周禮天官大宰商賈阜通貨賄注金玉曰貨布帛曰賄

工巧則

致精器用伎藝則沈思法術

補沈直深切俗本作深誤

武夫則慣習弓馬文

士則講議經書多見士大夫恥涉農商羞務工伎射則不能穿

札筆則纔記姓名

補札甲葉也左氏成十六年傳潘甝之黨與養由基蹲甲而射之徹七札焉釋文札側八

切史記項羽本紀書足以記姓名而已

飽食醉酒忽忽無事以此銷日以此終年

或因家世餘緒得一階半級便自為足全忘修學

元注一本云便謂為足安

能自苦

及有吉凶大事議論得失蒙然張口如坐雲霧

補蒙然如說苑雜言

篇惠子所云蒙蒙如未視之狗張口猶所謂舌橋而不能下也

公私宴集談古賦詩塞默低頭

欠伸而已

補禮記曲禮上正義志疲則欠體疲則伸

有識旁觀代其入地

補家語屈節解季孫

聞宓子之言赧然而愧曰地若可入吾豈忍見宓子哉

何惜數年勤學長受一生愧辱哉

案下當分段

梁朝全盛之時貴遊子弟多無學術至於諺云上車不落則著

作體中何如則祕書

補周禮地官師氏凡國之貴遊子弟學焉注貴遊子弟王公之子弟遊無官司者杜

子春云遊當為猶言雖貴猶學隋書百官志上梁制祕書省置監丞各一人掌國之典籍圖書著作郎一人佐郎八人掌國史

集注起居著作郎謂之大著作佐郎為起家之選通典職官八宋齊祕書郎四員尤為美職皆為甲族起家之選待次入補其

居職例十日便遷梁亦然自齊梁之末多以貴遊子弟為之無其才實無不燠衣剃面傅粉施朱

駕長簷車跟高齒屐坐棊子方褥憑斑絲隱囊列器玩於左右

從容出入望若神仙

補廣韻燠同熏集韻俗熏字傅音附簷謂轅也轅長則坐者安跟古痕切說文足踵

也釋名足後曰跟依此文則當有著義或字當為跟也屐奇逆切釋名屐搯也為雨足搯以踐泥也案自晉以來士大夫多喜

著屐雖無雨亦著之下有齒謝安因喜過戶限不覺屐折齒是在家亦著也舊齒露卯則當如今之釘鞋方可露卯晉泰元中

不復徹今之屐下有兩方木齒著木上則亦不能徹也釋名禘辱也人所坐褻辱也隱囊如今之靠枕南史杜崩傳杜崑斑絲纏稍是當時有此名今未能詳也從七容切明經求第則顧人答策三九公讌則假

手賦詩當爾之時亦使士也補明經自漢以來有之梁凡舉秀才孝廉皆策試明經則史未詳焉

齊書儒林傳序貴遊之輩飾以明經可謂稽山竹箭加以括羽顧倩也俗作雇非公讌公家之讌文選有公讌詩此云三九則

有常日矣唐宋以前凡外郡亦皆用畱使錢充宴設及離亂之後朝市遷革銓衡選舉非

復曩者之親補復扶富切曩奴朗切今人誤讀為曩當正之當路秉權不見昔時之黨

求諸身而無所得施之世而無所用被褐而喪珠失皮而露質

補老子德經聖人被褐懷玉喪息浪切法言吾子篇羊質而虎皮見草而說見豺而戰忘其皮之虎也兀若枯木

泊若窮流補陸機文賦兀若枯木豁若涸流泊疑當作鹿獨戎

泊下文引說文泊淺水貌此當用之匹白切鹿獨戎

馬之閒轉死溝壑之際當爾之時誠駑材也鹿獨俗本作孤獨此從宋本補禮記

王制正義引釋名無子曰獨獨鹿也鹿鹿無所依也又張華拂舞歌獨漉獨漉水深泥濁獨漉一作獨祿亦作獨鹿當是孑孑之意本無定字故此又倒作鹿獨也序有學藝者觸地而安自林駑駘也駑駘下乘此亦謂下材也

荒亂已來諸見俘虜雖百世小人知讀論語孝經者尙爲人師

雖千載冠冕不曉書記者莫不耕田養馬以此觀之安宋本安作汝

可不自勉耶若能常係數百卷書千載終不爲小人也案下當分段

夫明六經之指涉百家之書縱不能增益德行敦厲風俗猶爲

一藝得以自資補六經依禮記經解所列則詩書樂易禮春秋是也經不可以不明百家之書則但涉獵而已

行下父兄不可常依鄉國不可常係一旦流離無人庇廕當自

求諸身耳諺曰積財千萬不如薄伎在身伎之易習而可貴者

無過讀書也世人不問愚智皆欲識人之多見事之廣而不肯



讀書是猶求飽而嬾營饌欲暖而惰裁衣也夫讀書之人自義

農已來宇宙之下凡識幾人凡見幾事生民之成敗好惡固不

足論

補好惡並如字

天地所不能藏鬼神所不能隱也

案下當分段

有客難主人曰

補難乃旦切主人之推自謂也

吾見疆弩長戟

補說文弩弓有臂者釋名其柄

曰臂鉤弦曰牙牙外曰郭下曰懸刀合名之曰機書太甲上若虞機張往省括于度則釋傳機弩牙也鄭注考工記戟今三鋒

戟也釋名戟格也旁有枝格也

誅罪安民以取公侯者有矣文義習吏

俗本作史補大

戴禮保傅篇不習為吏視已成事一本作習史亦可通謂習史書也漢書藝文志太史試學童能諷書九千字以上乃得為史

又以六體試之課最者以為尚書御史史書令史

匡時富國以取卿相者有矣學備古

今才兼文武身無祿位妻子飢寒者不可勝數安足貴學乎

補勝

音升數色主切

主人對曰夫命之窮達猶金玉木石也脩以學藝猶磨

瑩雕刻也金玉之磨瑩自美其鑛璞

補鑛古猛切本作廿亦作鑛鑛周禮地官廿人掌金

玉錫石之地注廿之言礦也金玉未成器曰礦玉篇璞玉未治者

木石之段塊自醜其雕刻安

可言木石之雕刻乃勝金玉之鑛璞哉不得以有學之貧賤比

於無學之富貴也且負甲為兵昨筆為吏

補昨仕客切齧也北齊書徐之才傳小史

好嚼

身死名滅者如牛毛角立傑出者如芝草握素披黃

補古者書

籍以絹素寫之太平御覽六百六引風俗通曰劉向為孝成皇帝典校書籍十餘年皆先書竹改易刊定可繕寫者以上素也

黃者黃卷也古者書並作卷軸可卷舒用黃者取其不蠹

吟道咏德苦辛無益者如日蝕逸

樂名利者如秋茶豈得同年而語矣

補日蝕喻不常有也如秋茶俗本作幾秋茶鹽鐵論

刑德篇秦法繁於秋茶茶至秋而益繁喻其多也

且又聞之生而知之者上學而知之

者次所以學者欲其多知明達耳

知俗本作智

必有天才拔羣出類

為將則闇與孫武吳起同術執政則懸得管仲子產之教雖未

讀書吾亦謂之學矣

補史記孫子吳起列傳孫子武者齊人也以兵法見吳王闔廬闔廬以為將西破彊

楚入郢北威齊晉顯名諸侯吳起者衛人也好用兵魏文侯以為將起與士率最下者同衣食臥不設席行不乘騎親裹贏糧

與士率分勞苦用兵廉平盡能得士心後之楚南平百越北并

陳蔡卻三晉西伐秦後為貴戚所害管晏列傳管仲夷吾者穎

上人也任政於齊桓公以霸循吏列傳子產者鄭之

列大夫相鄭二十六年而死丁壯號哭老人兒啼 今子即不

能然不師古之蹤跡猶蒙被而臥耳

補言其一物無所見也案下當分段

人見鄰里親戚有佳快者

補佳快言佳人快士異乎庸流者也

使子弟慕而學之

不知使學古人何其蔽也哉世人但知跨馬被甲長弰彊弓便

云我能為將不知明乎天道辯乎地利比量逆順鑒達興亾之

妙也

補弰所交切玉篇弓使箭廣韻弓弰孫子始計篇天者陰陽寒暑時制也地者遠近險易廣狹生死也司馬法定爵

篇凡戰順天阜財懌眾利地右兵是謂五慮順天奉時阜財因敵懌眾勉若利地守隘險阻右兵弓矢禦及矛守戈戟助量音良但知承上接下積財聚穀便云我能為相不知敬鬼事神移

風易俗調節陰陽薦舉賢聖之至也

補漢書郊祀志元帝好儒貢禹韋弘成匡衡等建言

祭祀多不應古禮乃多所更定孝經移風易俗莫善於樂書周

官三公變理陰陽漢書陳平傳高帝以平為左丞相對上曰臣

主佐天子理陰陽調四時理萬物撫四夷案漢之三公得自

辟舉士士之有行義伏巖穴者常徵上公車賢者多出其中但

知私財不入公事夙辦便云我能治民不知誠己刑物

刑與執型同

轡如組

補呂氏春秋先己篇詩曰執轡如組孔子曰審此言也

其為之於此而成文於彼也聖人組脩其身而成文於天下矣

案家語好生篇亦載此以為鄙詩而并引兩驂如儻殊誤其載

孔子之言曰為此詩者其知政乎夫為組者總紕於此成文於

彼言其動於近行於遠也執此法以御民豈不化乎竿旄之忠

告至矣哉案毛詩傳云御眾有文章言

能治眾動於近成於遠也語意正相合

反風滅火

後漢書儒林傳劉昆字桓

公陳雷東昏人光武除為江陵令時縣連年火災昆輒向火叩頭多能降雨止風遷宏農太守虎皆負子渡河建武二十二年徵代杜林為光祿勳詔問前在江陵反風滅火後守宏農虎北渡河行何德政而致是事對曰偶然耳帝歎曰此乃長者之言也

化鴟為鳳之術也

又循吏傳仇覽字季智一名香陳雷考城人縣選為蒲亭長有陳元者獨與母居而

母詣覽告元不孝覽親到元家與其母子飲為陳人倫孝行譬

以禍福之言元卒成孝子鄉邑為之諺曰父母何在在我庭化

我鳴鴟哺所生考城令王渙聞覽以德化民署為主簿謂曰主

簿聞陳元之過不罪而化之得無少鷹鷂之志耶覽曰以為鷹

鷂不若鸞鳳渙謝遣曰枳棘非鸞鳳所棲百

里非大賢之路以一月奉為資令入太學

刑時捨

元注一本作晚舍補早刑語難曉疑

便云我能平獄不

知同轅觀罪

未詳分劍追財太平御覽六百三十九引風俗通曰

歲失母其女不賢父病令以財盡屬女但遺一劍云兒年十五

以還付之其後又不肖與兒乃訟之時太守大司空何武也得

其辭願謂掾吏曰女性強梁婿復貪鄙畏害其兒且寄之耳夫

劍者所以決斷限年十五者度其子智力足聞縣官得以見伸

展也乃悉假言而姦露魏書李崇傳為揚州刺史先是壽春縣人苟泰有子三歲遇賊亡失數年不知

所在後見在同縣人趙奉伯家泰以狀告各言己子竝有鄰證郡縣不能斷崇曰此易知耳令二父與兒各在別處禁經數旬

然後遣人告之曰君兒遇患向已暴死苟泰聞即號咷悲不自勝奉伯咨嗟而已殊無痛意崇察知之乃以兒還泰不問

而情得之察也晉書陸雲傳為浚儀令人有見殺者主名不立雲錄其妻而無所問十許日遣出密令人隨後

謂曰不出十里當有男子候之與語便縛來既而果然問之具服云與此妻通共殺其夫聞其得出故遠相要候於是一縣稱

明其神爰及農商工賈厮役奴隸釣魚屠肉飯牛牧羊皆有先達

可為師表博學求之無不利於事也古聖賢如舜伊尹皆起於耕後世賢而躬耕者多不

能以徧舉尸子曰子貢衛之賈人左傳載鄭商人弦高及賈人之謀出苟縈而不以為德者皆賢達也工如齊之斲輪及東郭

牙厮役僕隸如兒寬為諸生都養王象為人僕隸而私讀書釣魚屠牛皆齊太公事飯牛甯戚事卜式路溫舒張華皆嘗牧羊

史傳所載如此者非一案下當分段

夫所以讀書學問本欲開心明目利於行耳

補家語六本篇忠言逆耳而利於行

行下孟切未知養親者欲其觀古人之先意承顏怡聲下氣不憚劬

勞以致甘腴惕然慙懼起而行之也

補禮記祭義會子曰君子所謂孝者先意承志論

父母於道內則父母有過下氣怡色柔聲以諫晉書孝友傳柔色承顏怡怡以樂腴宋本作腴注云一本作旨案廣韻腴肉腴

讀若嫩腴與煖同非其義未知事君者欲其觀古人之守職無侵見危授

命不忘誠

宋本作箴

諫以利社稷惻然自念思欲效之也素驕奢者

欲其觀古人之恭儉節用卑以自牧

補易謙初六象傳文

禮為教本敬者

身基瞿然自失斂容抑志也

補禮記曲禮上人有禮則安無禮則危哀公問孔子對哀公曰所以

治禮敬為大君子無不敬也敬身為大不能敬其身是傷其親傷其親是傷其本傷其本枝從而亾檀弓上曾子聞之瞿然瞿

然驚變之貌紀具切列子仲尼篇子貢茫然自失

素鄙吝者欲其觀古人之貴義輕財

少私寡慾忌盈惡滿賙窮卹匱赧然悔恥積而能散也補易謙彖辭天

道虧盈而益謙地道變盈而流謙鬼神害盈而福謙人道惡盈

而好謙書大禹謨滿招損賙周也高誘注呂氏春秋季春紀鰥

寡孤獨曰窮匱乏也赧奴版切小爾雅面慙

日難難與赧同積而能散禮記曲禮上文

素暴悍者欲其觀

古人之小心黜已補說文黜貶下也

齒弊舌存說苑敬慎篇常縱有疾老子往問焉張其口而

示老子曰吾舌存乎老子曰然曰吾齒存乎老子曰亾常縱曰

子知之乎老子曰夫舌之存也豈非以其柔耶齒之亾也豈非

以其剛耶常縱曰嘻是已天

下之事已盡無以復語子哉

含垢藏疾左氏宣十五年傳川澤納汙山藪藏疾瑾瑜匿

瑕國君含垢

尊賢容眾茶然沮喪補莊子齊物論茶然疲役而不知所歸茶奴結切沮慈呂

禮記檀弓下趙文子退然如不勝

素怯懦

者欲其觀古人之達生委命補莊子達生篇達生之情者不務生之所無以為達命之情者不務

知之所

無柰何疆毅正直立言必信求福不回詩大雅旱麓豈弟君子求福不回回違也耶也

渭南嚴氏孝



勃然奮厲不可恐懼也

補禮記曲禮上貧賤而有禮則志不懼之涉切

歷茲以往百行

皆然縱不能淳去泰去甚

莊韓非子外儲說左下季孫好士終身莊處衣服常如朝廷而季孫適懈有

過失客以為厭易已相與怨之遂殺季孫故君子去泰去甚

補聖人去甚去奢去泰老子道經文行下孟子切學之所

知施無不達

宋本有今字注云一本無案小學嘉言篇引無

世人讀書者

小學引無者字

但能

言之不能行之忠孝無聞仁義不足加以斷一條訟不必得其

理

補斷丁貫切

宰千戶縣不必理其民

補漢書百官公卿表縣萬戶以上為令減萬戶為長案今

言千戶言最小之

問其造屋不必知楣橫而椽豎也

補釋名楣眉也近前

縣猶不能理也若面之有眉也椽儒也梁上短柱也椽儒猶侏儒短故以名之也案爾雅釋宮作椽亦作椽同音拙豎臣庾切說文豎立也

問其為田不必知稷早而黍遲也

補尚書大傳唐傳主春者張昏中可以種稷主夏者火昏

中可以種黍鄭注禮記月令首種云舊說謂稷遲宋本作稗元注一本作遲字案詩魯頌閟宮傳先種曰稷後種曰稗但顏氏

上言早則下文自當作遲使人易曉  
必不迂取穉字為配故不從宋本  
吟嘯談詭諷咏辭賦事既

優閑材增迂誕軍國經綸略無施用故為武人俗吏所共嗤詆

良由是乎

案下當分段

夫學者所以求益耳見人讀數十卷書便自高大凌忽長者輕

慢同列人疾之如讎敵惡之如鴟梟如此以學小學引有求益今反四字自

損不如無學也補詩大雅瞻卬懿厥哲婦為梟為鴟箋梟鴟惡聲之鳥亦作鳴鴟見前化鴟注惡鳥路切案下

當分段

古之學者為己以補不足也今之學者為人但能說之也古之

學者為人行道以利世也今之學者為己脩身以求進也夫學

者猶種樹也春玩其華秋登其實講論文章春華也脩身利行

秋實也

補左氏昭十八年傳閔子馬曰夫學殖也不殖將落韓詩外傳七簡主曰春樹桃李夏得陰其下秋得食其實

魏志邢顥傳採庶子之春華忘家丞之秋實利行下孟切案下當分段

人生小幼精神專利長成已後思慮散逸固須早教勿失機也

補長丁丈切

吾七歲時誦靈光殿賦

後漢書文苑傳王逸子延壽字文考有儁才少遊魯國作靈光

殿賦今見文選

至於今日十年一理猶不遺忘二十之外所誦經書一

月廢置便至

元注一本無至字

荒蕪矣然人有坎壈失於盛年

補坎壈苦感盧

感二切亦作坎廩音同楚辭九辯坎廩兮貧士失職而志不平五臣注文選坎壈困窮也

猶當晚學不可自

棄孔子云五十以學易可以無大過矣魏武袁遺老而彌篤此

皆少學而至老不倦也

魏志武帝紀注太祖御軍三十餘年手不捨書畫則講武策夜則思經傳登高

必賦及造新詩被之管弦皆成樂章袁遺字伯業紹從兄為長安令河開張超嘗薦遺於太尉朱儁稱遺有冠世之懿幹時之

量太祖稱長大而能勤學惟吾與袁伯業耳  
會子七十乃學名聞天下  
荀卿五十

始來遊學猶為碩儒  
史記孟荀列傳荀卿趙人年五十始來遊學於齊索隱荀卿名況卿者時人相尊而

號曰公孫宏  
瑚肱切  
四十餘方讀春秋以此遂登丞相  
漢書公孫宏傳宏當

川辭人年四十餘乃學春秋雜說六十為博士免歸武帝元光五年復徵賢良文學策詔諸儒宏對為第一拜為博士待詔金

馬門元朔中代辭澤為丞相封平津侯  
朱雲亦四十始學易論語  
同上朱雲傳雲

通輕俠年四十迺變節從博士白子友受易又  
皇甫謐二十始

受舊作孝經論語  
晉書皇甫謐傳謐字士安安定朝郡人年二十授訛  
十不好學遊蕩無度所後叔母任氏對之流

涕乃感激就鄉人席坦受書勤力不怠遂博綜  
典籍百家之言以著述為務自號平晏先生  
皆終成大儒此

竝早迷而晚寤也世人婚冠未學便稱遲暮因循面牆  
補書周官不學

面亦為愚耳幼而學者如日出之光老而學者如秉燭夜行猶

賢乎瞑目而無見者也

補說苑建本篇師曠曰少而好學如日出之陽壯而好學如日中之光老而好

學如炳燭之明炳燭之明孰與昧行乎案下當分段

學之興廢隨世輕重漢時賢俊皆以一經宏

大之也

聖人之道上

明天時下該人事用此致卿相者多矣

補事皆具漢書儒林傳

末俗已來

不復爾

補復扶又切爾字疑當重

空守章句但誦師言施之世務殆無一可

故士大夫子弟皆以博涉為貴不肖專儒

儒者專治經也宋本作不肖專於經業疑

是後人所改

梁朝皇孫以下總中之年必先入學觀其志尚

補詩齊風甫田

婉兮變兮總角中兮傳總角聚兩髦也中幼穉也

出身已後便從文史

補漢書東方朔傳三冬文史足

用史謂史書也但此亦兼文章三史而言舊本作吏字非

略無卒業者冠冕為此者則有何

胄

羊晉切梁書處士傳何字子季點之弟也師事沛國劉瓛受易及禮記毛詩入鍾山定林寺聽內典其業皆通辭職居若

耶山雲門寺世號點爲大山子季爲小山亦曰東山注周易十卷毛詩總集六卷毛詩隱義十卷禮記隱義二十卷禮答問五

十五卷劉瓛已見明山賓同上本傳明山賓字孝若平原鬲人七

五經博士山賓首膺其選東宮新置學士又以山賓居之俄兼國子祭酒累居學官甚有訓導之益所著吉禮儀注二百二十

四卷禮儀二十卷孝周捨同上本傳周捨字昇逸汝南安成人經喪禮服義十五卷周捨博學多通尤精義理高祖卽位博求

異能之士范雲言之於高祖召拜尚書祠部郎居職屢徙而常畱省內國史詔誥儀體法律軍旅謨謀皆兼掌之預機密二十

餘年而竟無一言漏洩機事眾尤歎服之朱昇同上本傳朱昇字彥和吳郡錢唐

雜藝博奕書算皆其所長有詔求異能之士明山賓表薦之高祖召見使說孝經周易義謂左右曰朱昇實異周捨率昇代掌

機謀方鎮改換朝儀國典詔誥敕書竝兼掌之每四方表疏當局部領諮詢詳斷填委於前頃刻之間諸事便了所撰禮易講

疏及儀注文彙百周宏瑚肱切正陳書本傳周思行汝南安成人餘篇亂中多逸周宏幼孤及弟宏讓宏直俱爲叔父

捨所養十歲通老子周易起家梁太學博士累遷國子博士時於城西立士林館宏正居以講授聽者傾朝野焉特善乎言兼

明釋典雖碩學名僧莫不請質疑滯所著周易賀琛梁書本傳

講疏論語疏莊子老子疏孝經疏及集行于世賀琛字國

寶會稽山陰人伯父場授其經業一聞便通義理尤精三禮為

通事舍人累遷皆參禮儀事所撰三禮講疏五經滯義及諸儀

法凡百賀革同上儒林傳賀場子革字文明少通三禮及長徧

餘篇儒林祭酒講三禮荆蕭子政隋書經籍志周易義疏十四卷繫

楚衣冠聽者甚眾蕭子政辭義疏三卷古今篆隸雜字體一

卷注梁都官尚劉縉等二卷兼通文史不徒講說也洛陽亦聞

書蕭子政撰崔浩魏書本傳崔浩字伯淵清河人少好文學博覽經史

陽術數聞浩說易及洪範五行善之因命浩筮吉凶參觀天文

考定疑惑浩綜覈天人之際舉其綱紀諸所處決多有應驗恆

與軍國大謀張偉同上儒林傳張偉字仲業小名翠螭太原中

甚為寵密劉芳都人學通諸經講授鄉里受業者常數百人

儒謹汎納勤於教訓雖有頑固問至數十偉告喻殷勤曾

無慍色常依附經典教以孝悌門人感其仁化事之如父劉芳

同上本傳劉芳字伯文彭城人聰敏過人篤志墳典晝則備書

以自資給夜則讀誦終夕不寢為中書侍郎授皇太子經遷太

子庶子兼員外散騎常侍從駕洛陽自在路及旋師恆侍坐講  
讀芳才思深敏特精經義博聞強記兼覽蒼雅尤長音訓辨析  
無疑於是禮遇日隆賞賚優渥撰諸儒所注周官儀禮尚書公  
羊穀梁國語音後漢書音毛詩箋音義證周官儀禮禮記義證  
等書鄴下又見邢子才北齊書邢邵傳邵字子才河閒鄭人十歲

勝專以山水遊宴為娛不暇勤業嘗因霖雨乃讀漢書五日略  
能徧記之復因飲諶倦方廣尋經史五行俱下一覽便記無所

遺忘文章典麗既瞻且速年未二十名動衣冠孝昌初與黃門  
侍郎李琰之對典朝儀自孝明之後文雅大盛邵雕蟲之美獨

步當時每一文出京都為之紙貴讀誦俄徧遠近晚年尤以五  
經章句為意窮其旨要吉凶禮儀公私諮稟質疑去惑為世指

南有集此四儒者別本無此雖好經術亦以才博擅名如此諸  
三十卷

賢故為上品以外率多田里閒人音辭鄙陋風操蚩拙補操七到切蚩

無知之貌詩衛相與專固無所堪能問一言輒酬數百責其指  
風氓氓之蚩蚩

歸或無要會鄴下諺云博士買驢書券三紙未有驢字補券去願切下



从刀說文契也

使汝以此為師令人氣塞

補令力呈切

孔子曰學也祿在

中矣今勤無益之事恐非業也夫聖人之書所以設教但明練

經文粗通注義

補練練習也戰國秦策簡練以為揣摩粗才古切略也

常使言行有得亦

足為人何必仲尼居即須兩紙疏義燕寢講堂亦復何在

陸德明孝

經釋文居說文作尻音同鄭康成云尻尻講堂也王肅云閒居也

以此得勝寧有益乎光陰可

惜譬諸逝水當博覽機要以濟功業必能兼美吾無閒焉

補閒紀寬

切案下當分段

俗閒儒士不涉羣書經緯之外義疏而已

後漢書方術樊英傳注七緯者易緯稽覽

圖乾鑿度坤靈圖通卦驗是類謀辨終備也書緯璇機鈴考靈

曜刑德放帝命驗運期授也詩緯推度災汜歷樞含神霧也禮

緯含文嘉稽命徵斗威儀也樂緯動聲儀稽耀嘉叶圖徵也孝

經緯援神契鉤命決也春秋緯演孔圖元命包文耀鉤運斗樞

感精符合誠圖攷異郵係乾圖漢合孳佑助期握誠圖潛潭巴  
說題辭也補困學紀聞八鄭康成注二禮引易說書說樂說春  
秋說禮家說孝經說皆緯候也河洛七緯合為八十一篇河圖  
九篇洛書六篇又別有三十篇又有尚書中侯論語識在七緯  
外吾初入鄴與博陵崔文彥交遊隋書地理志博陵郡屬冀州嘗說王粲集

中難鄭元

切 瑚涓

尚書事

魏志王粲傳粲字仲宣山陽高平人太  
祖辟為丞相掾賜爵關內侯著詩賦論

議垂六十篇隋書經籍志後漢侍中王粲集十一卷後漢書鄭

元傳元字康成北海高密人遊學十餘年乃歸所注周易尚書

毛詩儀禮禮記論語孝經尚書大傳中侯乾象歷又著天文七

政論魯禮禘祫義六藝論毛詩譜駁許慎五經異義荅林孝存

周禮難凡百餘萬言補困學紀聞二粲集中難鄭元尚書事今

僅見於唐元行沖釋疑王粲曰世稱伊雜以東淮漢以北康成

一人而已咸言先儒多闕鄭氏道備粲竊嗟怪因求所學得尚

書注退思其意皆盡矣所疑猶未喻焉凡有二篇館閣書目

粲集八卷案其集今已切崔轉為諸儒道之補為于始將發口

懸見排暨補排暨猶云文集止有詩賦銘誄豈當論經書事乎

頁元之川 卷三 三 渭南嚴氏孝

且先儒之中未聞有王粲也崔笑而退竟不以粲集示之魏收

之在議曹

北齊書魏收傳收字伯起小字佛助鉅鹿下曲陽人讀書夏月坐板牀隨樹陰諷誦積年板牀為之銳減

而精力不輟以文華顯

與諸博士議宗廟事引據漢書博士笑曰未聞漢

書得證經術收便忿怒都不復言

補復扶又切

取韋元

瑚涓切

成傳擲

之而起博士一夜共披尋之達明乃來謝曰不謂元成如此學

也

補漢書韋賢傳賢少子元成字少翁好學修父業以明經擢為諫大夫永光中代于定國為丞相議罷郡國廟又議太上

皇孝惠孝文孝景廟皆親盡宜毀諸寢園日月閒祀皆可勿復修

夫老莊之書蓋全真養性不冝以物累己也故藏名柱史終蹈

流沙

列仙傳老子姓李名耳字伯陽陳人也生於殷時為周柱下史關令尹喜者周大夫也善內學常服精華隱德修行

時人莫知老子西遊喜先見其氣知有真人當過物色而迹之果見老子老子亦知其奇為著書授之後與老子俱遊流沙化

胡服苴勝實莫知其所終匿跡漆園率辭楚相史記老子韓非列傳莊子者蒙人名周為漆園吏楚威王

聞其賢使使厚幣迎之許以為相周笑曰子獨不見郊祭之犧牛乎養食之數歲衣以文繡以入太廟當是之時雖欲為孤豚豈可得乎子

亟去無汗我此任縱之徒耳何晏王弼祖述宗遞相誇尚景

附草靡皆以農黃之化在乎己身周孔之業棄之度外魏志曹真傳晏

何進孫也少以才秀知名好老莊言作道德論及諸文賦著述凡數十篇注晏字平叔鍾會傳初會弱冠與山陽王弼並知名

弼好論儒道辭才逸辯注易及老子為尚書郎年二十餘率注弼字輔嗣何劭為其傳曰弼好老氏通辯能言何晏為吏部尚

書甚奇弼歎之曰仲尼稱後生可畏若斯人者可與言天人之際乎補景於丙切俗作影靡眉彼切言如景之附形草之從風

也農黃神農黃帝而平叔以黨曹爽見誅觸死權之網也同上曹真

言道德者宗之傳真子爽字昭伯明帝寵待有殊帝寢疾引入臥內拜大將軍

假節鉞都督中外諸軍事錄尚書事受遺詔輔少主乃進敘南陽何晏等為腹心弟羲深以為大憂或時以諫諭不納涕泣而起車駕朝高陵爽兄弟皆從司馬宣王先據武庫遂出屯洛水

浮橋奏免爽兄弟以侯就第收晏等下獄後皆族誅注魏略黃初時晏無所事任及明帝立頗為宥官至正始初曲合於曹爽

用為散騎侍郎遷侍中尚書史記賈誼傳服賦夸者死權輔嗣以多笑人被疾陷好勝之穽

也何劭為王弼傳弼論道傳會文辭不如何晏自然有所拔得多晏也頗以所長笑人故時為士君子所疾補家語觀周篇

強梁者不得其死山巨源以蓄積取譏背多藏厚亾之文也晉書

好勝者必遇其敵山濤傳濤字巨源河內懷人老子德經多藏必厚亾補案濤傳稱其貞慎儉約雖爵同千乘而無嬪媵祿賜俸秩散之親故及

薨後范晷等上言濤舊第屋十間子孫不相容帝為之立室安有蓄積取譏事惟陳郡袁毅嘗為鬲令貪濁而賂遺公卿以求

虛譽亦遺濤絲百斤濤不欲異於時受而藏於閣上後毅事露凡所受賂皆見推檢濤乃取絲付吏積年塵埃印封如初此一

事亦不可以蓄積之名加夏侯元琠涓以才望被戮無支離擁

之疑此語為誤背蒲昧切魏志夏侯尚傳子元字太初少知名正始初曹爽輔

腫之鑿也政元爽之姑子也累遷散騎常侍中護軍爽誅徵為

大鴻臚數年徙太常元以爽抑黜內不得意中書令李豐雖為

司馬景王所親待然私心在元遂結皇后父張緝謀欲以元輔

政嘉平六年二月當拜貴人豐等欲因御臨軒諸門有陞兵誅  
大將軍以元代之大將軍微聞其謀請豐相見即殺之收元緝  
等送廷尉鍾毓奏豐等大逆無道皆夷三族元格量宏濟臨斬  
東市顏色不變舉動自若時年四十六莊子人間世支離疏者  
頤隱於齊肩高於頂會撮指天五管在上兩髀為脅挫鍼治繯  
足以餬口鼓箠播精足以食十人上徵武士則支離攘臂於其  
間上有大役則支離以有常疾不受功上與病者粟則受三鍾  
與十束薪夫支離其形者猶足以養其身終其天年又況支離  
其德者乎釋文會古外切撮子列切會撮髻也古者髻在項中  
脊曲頭低故髻指天也繯佳賣切司馬云浣衣也崔作繯音綫  
鼓箠揲著鑽龜也播精卜卦占兆也司馬云籛箕簡米也又逍  
遙遊惠子謂莊子曰吾有大樹人謂之樗其大本擁腫而不中  
繩墨其小枝拳曲而不中規矩立之途匠者不顧莊子曰子患  
其無用何不樹之於無何有之鄉不天斧斤物無害者無所可  
用安所荀奉倩喪妻神傷而率非鼓缶之情也奉倩名粲世說  
困苦哉惑溺篇注粲別

傳曰粲常以婦人才智不足論自宜以色為主驃騎將軍曹洪  
女有色粲於是聘焉專房燕婉歷年後婦病亡傳聞往彥粲  
不明而神傷歲餘亦亡時年二十九莊子至樂篇莊子妻死  
惠子弔之方箕踞鼓盆而歌惠子曰與人居長子老身死不哭  
渭南嚴氏孝

亦足矣又鼓盆而歌不亦甚乎莊子曰不然是其始死也我獨何能無槩然察其始而本無生非徒無生也而本無形非徒無形也而本無氣人且偃然寢於巨室而我噉噉然隨而哭之自以為不通乎命故止也 王夷甫悼子悲不

自勝異東門之達也

晉書王戎傳戎從弟衍字夷甫喪幼子山簡弔之衍悲不自勝簡曰孩抱中物何至

於此衍曰聖人忘情最下不及於情然則情之所鍾正在我輩簡服其言更為之慟列子力命篇魏人有東門吳者其子死而不憂其相室曰公之愛子天下無有今子死不憂何也曰吾常無子無子之時不憂今子死乃與向無子同臣奚憂焉 嵇

叔夜排俗取禍豈和光同塵之流也

晉書嵇康傳康字叔夜譙國鉅人早孤有奇才遠邁

不羣長好老莊常脩養性服食之事山濤將去選官舉康自代乃與濤書告絕此書既行知其不可羈屈也性絕巧而好鍛宅中有一柳樹甚茂乃激水圍之每夏月居其下以鍛東平呂安服康高致每一相思千里命駕康友而善之後安為兄所枉訴以事繫獄詞相證引遂復收康初康居貧嘗與向秀共鍛於大樹之下以自贍給鍾會往造焉康不為之禮會以此憾之及是言於文帝曰嵇康臥龍也不可起公無憂天下顧以康為慮耳因譖康欲助母丘儉宜因釁除之帝既信會遂并害之老子道

經和其光

郭子元

瑚涓切以傾動專

俗本

勢寧後身外己之風也

晉書郭象傳象字子元少有才理好老莊能清言州郡辟召不就常閑居以文論自娛東海王越引為太傅主簿遂任職當權熏灼內外由是素論去之老子道阮嗣宗沈酒荒迷乖畏途相

誠之譬也

晉書阮籍傳籍字嗣宗陳留尉氏人本有濟世志屬魏晉之際天下多故名士少有全者由是不與世事

遂酣飲為常文帝初欲為武帝求婚於籍籍醉六十日不得言而止鍾會數以時事問之欲因其可否而致之罪皆以酣醉獲免時率意獨駕不由徑路車迹所窮輒慟哭而反莊謝幼輿賊子達生篇夫畏途者十殺一人則父子兄弟相戒也

賄黜削違棄其餘魚之旨也

晉書謝鯤傳鯤字幼輿陳國陽夏人好老易東海王越辟為掾坐家

僮取官橐除名鯤不徇功名無砥礪行居身於可否之間雖自處若穢而動不累高淮南子齊俗訓惠子從車百乘以過孟諸莊子見之弃其餘魚注莊周彼諸人者竝其領袖晉書裴秀傳

見惠施之不足故弃餘魚日後進領時人為之語予宗所歸其餘桎梏塵滓之中顛仆名利之下者豈



可備言乎

補鄭注周禮大司寇木在足曰桎在手曰梏桎音質梏古毒切小爾雅顛殞也釋名仆踣也音赴

直

取其清談雅論剖乎析微賓主往復娛心悅耳非濟世成俗之

要也

宋本直取其清談雅論下有辭鋒理窟四字剖元析微下有妙得入神四字非濟世句作然而濟世成俗終非急務

一本雅論作高論

泊於梁世茲風復闡

補泊具冀切及也復扶又切下同闡昌善切闡明之使廣大也

莊老周易總謂三平武皇簡文躬自講論周宏正奉贊大猷化

行都邑學徒千餘實為盛美

補梁書武帝紀少而篤學洞達儒乎造周易講疏老子講疏又簡文

帝紀博綜儒書善言名理所著有老子義莊子義周宏正見前

元帝在江荆閒復所愛習召置

學生親為教授廢寢忘食以夜繼朝至乃倦劇愁憤輒以講自

釋吾時頗預末筵親承音旨性既頑魯亦所不好云

補同上元帝紀承聖

三年九月辛卯於龍光殿述老子義尚書左僕射王褒為執經乙巳魏遣其柱國万紐于謹來寇冬十月景寅魏軍至于襄陽

蕭簪率眾會  
之丁卯停講

齊孝昭帝侍婁太后疾容色顛悴服膳減損徐之才為灸兩穴

帝握拳代痛爪入掌心血流滿手

北齊書孝昭紀帝諱演字延安神武第六子文宣母弟又

神武明皇后傳婁氏諱昭君司徒內干之女補孝昭紀性至孝

太后不豫出居南宮帝行不正履容色貶悴衣不解帶殆將四

旬殿去南宮五百餘步雞鳴而去辰時方還來去徒行不乘輿

輦太后所苦小增便即寢伏閣外食飲藥物盡皆躬親太后常

心痛不自堪忍帝立侍幃前以爪招手心血流出血出

袖又徐之才傳之才丹陽人大善醫術兼有機齋后既痊愈帝

尋疾崩遺詔恨不見太后山陵之事其天性至孝如彼不識忌

諱如此良由無學所為若見古人之譏欲母早死而悲哭之則

不發此言也孝為百行之首猶須學以脩飾之況餘事乎

沈氏攷證

淮南子說山訓東家母死其子哭之不哀西家子見之歸謂其母曰社何愛速死吾必悲哭社夫欲其母之死者雖死亦不能

悲哭矣本注江  
淮謂母為社

梁元帝嘗為吾說昔在會稽隋書地理志會稽郡屬揚州年始十二便已好

學時又患疥手不得拳膝不得屈閑齋張葛幃避蠅獨坐銀甌

貯山陰甜酒時復進之以自寬痛元注一本作以寬此痛率意自讀史書

一日二十卷既未師受補師受受於師也或改受為授或不識一字或不解一

語要自重之不知厭倦帝子之尊童稚之逸尚能如此況其庶

士冀以自達者哉補金樓子自序吾年十三誦百家譜雖略上口遂感心氣疾又云吾小時夏夕中下絳紗

蚊幘中有銀甌一枚貯山陰甜酒臥讀有時至曉率以為常又  
經病瘡肘膝盡爛比來三十餘載泛玩眾書一本甜酒作檮酒

案下當

古人勤學有握錐投斧戰國秦策蘇秦讀書欲睡引錐自刺其股血流至足廬江七賢傳文黨字仲翁

未學之時與人俱入山取木謂侶人曰吾欲遠學先試投我斧高木上斧當挂仰而投之斧果上挂因之長安受經

照雪

初學記引宋齊語孫康家貧常映雪讀書清淡交遊不雜

聚螢 晉書車武子傳武子南平人博學多通家貧不常得油夏

月則練囊盛數十螢火

鋤則帶經 漢書兒寬傳帶經而耨休息輒讀誦魏志常林傳注引魏

略常林少單貧自非手力不取之於人性好學漢末為諸生帶經耕鋤其妻常自饋餉之林雖在田野其相敬如賓

牧則

編簡

同上路溫舒傳溫舒字長君鉅鹿東里人父為里監門使溫舒牧羊取澤中蒲截以為牒編用寫書注小簡曰牒編

聯次

亦為 宋本作云一本作為

勤篤梁世彭城劉綺交州刺史勃之孫

早孤家貧燈燭難辦常買荻尺寸折之然明夜讀

宋本早孤家貧下作常無

燈折荻尺寸

然明讀書

孝元初出會稽 梁書元帝紀天監十三年封湘東郡王邑二千戶初為寧遠將軍會

稽太

精選寮案綺以才華為國常侍兼記室

隋書百官志皇子府置中錄事中記

室中直兵等參軍功曹史錄事記

殊蒙禮遇終於金紫光祿

宋本

有大夫二字注一本無同上特進左右光祿大夫同義陽朱詹上

地理志荆州有世居江陵後出揚都好學家貧無資累日不爨

乃時吞紙以實腹寒無氈被抱犬而臥犬亦飢虛起行盜食呼

之不至哀聲動鄰猶不廢業卒成學士宋本作率官至鎮南錄

事參軍為孝元所禮梁書元帝紀大同六年出為使持節都督

上此乃不可為之事亦是勤學之一人東莞臧逢世晉書地理志徐州東

莞郡太康中置東莞縣故魯鄆邑年二十餘欲讀班固漢書苦假借不久乃就

姊夫劉緩乞句客刺宋有或字書翰紙末手寫一本軍府服其

志尚率以漢書聞

齊有宋本衍宦者內參田鵬鸞本蠻人也年十四五初為闍寺

便知好學懷袖握書曉夕諷誦所居卑末使役苦辛時伺閒隙

補間紀周章詢請每至文林館北齊書文苑傳後主屬意斯文

莫切待詔文林館焉氣喘汗流問書之外不暇他語及覩古人節

義之事未嘗不感激沈吟久之補沈直吾甚憐愛倍加開獎後

被賞遇賜名敬宣位至侍中開府隋書百官志中侍中省掌後

元注一本作齊主之奔青州遣其西出參伺動靜為周軍所獲問齊主

何在給云已去計當出境補給徒亥疑其不信歐捶服之補歐

通鳥后切捶擊每折一支辭色愈厲竟斲四體而牽蠻夷童巾

猶能以學成忠宋本作猶能以學著忠誠齊之將相比敬宣之奴不若也補

相謂開府儀同三司賀拔伏恩封輔相慕容鍾葵等宿衛近臣

三十餘人西奔周師穆提婆侍中斛律孝卿皆降周高阿那肱

召周軍約生致齊主而屢使人告言賊軍在遠以致停緩被獲顏氏故有此憤恨之言折旨熱切斷都管切申古患切

鄴平之後見徙入關

北齊後主紀武平七年十月周師攻晉州十二月戰於城南我軍大敗帝入晉陽欲

向北朔州改武平七年為隆化元年除安德王延宗為相國委以備禦帝入鄴延宗與周師戰於晉陽為周師所虜甲子皇太

子從北道至引文武入朱華門問以禦周之方羣臣各異議帝莫知所從於是依天統故事授位幼主幼主名恆時年八歲改

元承光帝為太上皇帝后為太上皇后自鄴先趨濟州周師漸逼幼主又自鄴東走乙丑周師至紫陌橋燒城西門太上皇東

走入濟州其日幼主禪位於大丞相任城王潛太上皇并皇后攜幼主走青州周軍奄至青州太上窘急將遜於陳與韓長鸞

淑妃等為周將尉遲綱所獲送鄴周武帝與抗賓思魯嘗謂吾主禮并太后幼主俱送長安封溫國公後皆賜死

曰朝無祿位家無積財當肆筋力以申供養

補供居用切養餘亮切下同

每

被課篤勤勞經史未知為子可得安乎吾命之日子當以養為

心父當以學為教

宋本作以教為事

使汝棄學徇財豐吾衣食食之安

得甘衣之安得暖若務先王之道紹家世之業藜藿縕褐我自

欲之

補漢書司馬遷傳墨者糲梁之食藜藿之羹注藜草似蓬禮記玉藻縕為袍注謂今縕及舊絮也詩幽風七月箋褐

毛布也

書曰好問則裕

仲虺之誥文

禮云獨學而無友則孤陋而寡聞

學記文

蓋須切磋相起明也見有閉門讀書師心自是

補莊子齊物論夫隨其成心而

師之誰獨且無師乎

稠人廣坐謬誤差失

各本作差慙宋本於差字下注云一本有差失字無差字

者

多矣穀梁傳稱公子友與莒挈相搏左右呼曰孟勞

事在僖元年傳無呼

字補挈女居女加二切

孟勞者魯之寶刀名亦見廣雅

孟勞刀也見釋器

近在齊

時有姜仲岳謂孟勞者

元注一本無孟勞者三字

公子左右姓孟名勞多力

之人為國所寶與吾苦諍時清河郡守邢峙

北齊書儒林傳邢峙字士峻河間鄭



人通三禮左氏春秋皇建初為清河郡當世碩儒助吾證之報

然而伏又三輔決錄云隋書經籍志冀州有清河郡靈帝殿柱題

曰堂堂乎張京兆田郎蓋引論語偶以四言目京兆人田鳳也

漢書百官公卿表右扶風與左馮翊京兆尹是為三輔初學記

十一引三輔決錄注田鳳為尚書郎容儀端正入奏事靈帝目乎張京兆田郎有一才士乃言時張京兆及田郎二人皆堂

堂耳聞吾此說初大驚駭其後尋媿悔焉江南有一權貴讀誤

本蜀都賦注李善文選注左思三都賦成張解蹲鴟芋也乃為

羊字人饋羊肉答書云損惠蹲鴟舉朝驚駭不解事義久後尋

迹方知如此元氏之世在洛京時魏書高祖孝文皇帝紀太和

陽二十年正月詔有一才學重臣新得史記音隋書經籍志史

改拓拔姓為元氏

車都尉參軍  
鄒誕生撰

而頗紕繆誤反顛頊字頊當為許錄反錯作許緣

反

補反與

遂謂朝士言

元注一本作

從來謬音專旭當音專翽

耳此人先有高名翕然信行暮年之後更有碩儒苦相究討方

知誤焉漢書王莽贊云紫色蠅聲餘分閏位謂以偽亂真耳

補漢

書注蠅者樂之淫聲近之學者便謂蛙鳴已乖其義更欲改為蠅聲益穿鑿矣

昔吾嘗其人談書言及

王莽形狀有一俊士自許史學名價甚高乃云王莽非直鴟目

虎吻亦紫色蛙聲

補漢書王莽傳莽為人侈口蹙頤露眼赤睛大聲而嘶反膺高視瞰臨左右待詔曰莽所

謂鴟目虎吻豺狼之聲者也吻武粉切顛胡感切嘶先奚切噉口濫切

又禮樂志云給太官搗馬

酒

補漢書百官公卿表少府屬官有太官注太官主膳食

李奇注以馬乳為酒也搗搗乃

成二字竝從手撞

元注都

搗

元注達

此謂撞搗搗搗之今為酪

酒亦然

同上武帝太初元年更名家馬為桐馬注應劭曰主乳

數升盛馬乳桐取其上肥今梁州亦名馬酪為馬酒向學士又以

為種桐時太官釀馬酒乃熟其孤陋遂至於此太山羊肅

注見卷二

亦稱學問讀潘岳賦

晉潘岳字安仁著閒居賦今見文選

周文弱枝之棗為杖策

之杖世本容成造歷

漢書藝文志世本十五篇注古史官記黃帝以來訖春秋時諸侯大夫案今不傳諸

書尚有引用者注以歷為確磨之磨

段云古書字多假借蓋世本假曆為歷致有此誤古

書歷曆通用同郎擊切確都內切春具磨模臥切說文作確石磴也案下當分段

談說製文援引古昔必須眼學勿信耳受江南閭里閒士大夫

或不學問羞為鄙朴道聽塗說強事飾辭

補強其兩切

呼徵質為周

鄭

左隱二年傳周鄭交質補質音致說文質以物相贅案贅如贅婿謂男無娉財以身自質于妻家也謂霍亂為

博陸

漢書嚴助傳夏月暑時歐泄霍亂之病相隨屬也又霍光傳光字子孟封博陸侯

上荆州必稱峽

西

補荆在巴峽西

下揚都言去海邦

補詩魯頌所言海邦凡齊魯皆可言何獨揚都

言食則餽

口

左氏昭七年傳正考父之鼎銘云餽於是驚於是以餽余口

道錢則孔方

晉魯衰錢神論親愛如兄字曰

方

問移則楚丘

左氏閔二年傳僖之元年齊桓公遷邢于夷儀封衛于楚丘邢遷如歸衛國忘心

論婚

則宴爾

詩邶谷風宴爾新昏如兄如弟

及王則無不仲宣

王粲已見

語劉則無不公

幹

魏志東平劉楨字公幹附見王粲傳

凡有一二百件傳相祖述尋問莫知原由

施安時復失所

補復扶又切

莊生有乘時鵲起之說

太平御覽九百二十一引莊子

云鵲上高城之坭而巢於高榆之顛城壞巢折陵風而起故君子之居世也得時則蟻行失時則鵲起也困學紀聞載莊子逸

篇有

故謝朓詩曰鵲起登吳臺

南齊書謝朓傳朓字元暉少好學有美名文章清麗善草隸長

五言詩沈約常云二百年來無此詩也

吾有一親表作七夕詩云今夜吳臺鵲亦

往共填河

白帖烏鵲填河成橋而渡織女爾雅翼相傳七夕牽牛與織女會於漢東烏鵲為梁以渡故毛皆脫去

注歲華紀麗引風俗通云織女七夕當渡河使鵲為橋

羅浮山記云望平地樹如薺

羅浮山記

羅浮者蓋總稱焉羅羅山也浮浮山也二山合體謂之羅浮在增城博羅二縣之境

故戴暲詩云長安樹

如薺

補此暲度關山詩也首云昔聽隴頭吟平居已流涕今上關山望長安樹如薺

又鄴下有一人詠

樹詩云遙望長安薺又嘗見謂矜誕為夸毗

爾雅釋訓夸毗體柔也案與矜誕義

相呼高年為富有春秋

後漢書樂恢傳上疏諫曰陛下富於春秋纂承大業注春秋謂年也言少年春

秋尚多故稱富案與高年義相反

皆耳學之過也

案下當分段

夫文字者墳籍根本世之學徒多不曉字讀五經者是徐邈而非許慎

非許慎

晉書儒林傳徐邈東莞姑幕人永嘉之亂家于京口邈姿性端雅博涉多聞孝武招延儒學之士謝安舉以應

邈年四十四始補中書舍人在西省侍帝雖不口傳章句然開釋文義標明指趣撰經音訓學者宗之後漢書儒林傳許慎

字叔重汝南召陵人性淳篤博學經籍撰五習賦誦者信褚詮

而忽呂忱案漢書揚雄傳所載諸賦注內時引諸詮之說宋

孰是隋書經籍志字林七卷晉愷令明史記者專皮鄒而廢篆

呂忱撰補注誦與頌同宋本忽作笑

籀見前皮未詳疑是裴字之誤裴駙著史記集解八十卷或云

志許慎敘說文解字略云黃帝之始初作書蓋依類象形及宣

王太史籀著大篆十五篇與古文或異其後七國言語異聲文

字異形秦兼天下丞相李斯乃奏同之斯作倉頡篇中車府令

趙高作爰歷篇太史令胡毋敬作博學篇皆取史籀大篆或頗

省改所謂小篆者也是時務繁初有學漢書者悅應蘇而略蒼

隸書以趣約易而古文由是絕矣

雅漢書敘例應劭字仲瑗汝南南頓人後漢蕭令御史營令泰

山太守蘇林字孝友陳畱外黃人魏給事中黃初中遷博士

封安成亭侯隋書經籍志漢書集解音義二十四卷應劭撰三

蒼三卷郭璞注秦相李斯作蒼頡篇漢揚雄作訓纂篇後漢郎

中賈勳作滂喜篇故曰三蒼又碑蒼三卷廣雅三卷

竝魏博士張揖撰小爾雅一卷孔鮒撰李軌略解

不知書音

渭南嚴氏孝

是其枝葉小學乃其宗系至見服虔張揖音義則貴之得通俗

廣雅而不屑

同上通俗文一卷服虔撰

一手之中向背如此況異代各人乎

元注世人皆以通俗文為服虔造未知非服虔而輕之猶謂是服虔而輕之故此論從俗也案後漢書儒林傳服虔字子慎初

名重又名祗後改為虔河南滎陽人以清苦建志有雅才善著文論作春秋左氏傳解又以左傳駁何休之所駁漢事六十餘

條拜九江太守免遭亂行客病卒

夫學者貴能博聞也郡國山川官位姓族衣服飲食器皿制度

皆欲根尋得其原本至於文字忽不經懷己身姓名多或乖舛

縱得不誤亦未知所由近世有人為子制名兄弟皆山傍立字

而有名峙者

段云說文有時無峙後人凡從止之字每多從山至如岐字本從山又改路岐之岐從止則又山變

為止也顏意謂從山之峙不

兄弟皆手傍

本作

立字而有名機

者段云機字本作机說文有机無機其幾兄弟皆水傍立字而

有名凝者段云此亦顏時俗字疑本從久俗本從水故顏名儒

碩學此例甚多若有知吾鍾之不調一何可笑沈氏攷證淮南子脩務訓昔晉

平公令官為鍾鍾成而示師曠師曠曰鍾音不調平公曰寡人

以示工工皆以為調而以為不調何也師曠曰使後世無知音

則已若有知音者必知鍾之不調吾字疑當

為晉字一本以鍾為種者尤非案下當分段

吾嘗從齊主諸本皆幸并州隋書地理志太原郡後齊并州自井陘關入上艾

縣漢書地理志常山郡石邑并東數十里有獵閭村後百官受

馬糧在晉陽東百餘里亢仇城側竝不識二所本是何地博求

古今皆未能曉及檢字林韻集字林見前隋書經籍志韵集十

乃知獵閭是舊獵餘聚元注獵音獵也案亢仇舊是幔沕亭元



上音武安 反下音仇 悉屬上艾時 太原王劭重校正諸本皆從下 欲撰鄉

邑記注因此二名聞之大喜案下當分段

吾初讀莊子蝮二首今書未見 韓非子曰蟲有蝮者一身兩口爭食

相齧遂相殺也漢書藝文志韓子五十五篇名非韓諸公子使於秦李斯害而殺之案此所引見說林下今本

蝮即作虺 又訛虺 茫然不識此字何音逢人輒問了無解者案爾雅諸

書蠶蛹名蝮元注音潰案 又非二首兩口貪害之物後見古今

字詁隋書經籍志古今字詁三卷張揖撰 此亦古之虺字積年凝滯豁然霧解案下

當分段

嘗遊趙州通典趙州春秋時晉地戰國屬趙後魏 見柏人城北

柏人趙地漢高祖將宿心動問知其有一小水土人亦不知名

後讀城西

宋本作南案說文繫傳亦引作西

門徐整碑云洎流東指眾皆不識

吾案說文此字古魄字也洎淺水貌此水漢來本無名矣直以

淺貌目之或當卽以洎為名乎

段云洎古魄字此語不見於說文今本但云洎淺水也以顏語

訂之說文有脫誤當云洎淺水貌从水白聲洎古文洎字也从水百聲顏書魄字亦誤當作洎案下當分段

世中書翰多稱勿勿相承如此不知所由或有妄言此忽忽之

殘缺耳案說文勿者州里所建之旗也象其柄及三旂之形所

以趣民事故忽遽者稱為勿勿

忽俗本作忽宋本作忽乃忽字之俗體案下當分段

吾在益州

通典益州理成都蜀二縣秦置蜀郡晉武帝改為成都國尋亦復舊自魏晉宋齊梁皆為益州

與數

人同坐初晴日晃

俗本作明今從宋本釋名光晃也晃晃然也

見地上小光問左右

此是何物有一蜀豎

補廣韻豎童僕之未冠者臣庾切

就視答云是豆逼互相

顧愕然不知所謂命取將來宋本作命乃小豆也窮訪蜀土呼

粒為逼時莫之解吾云三蒼說文此字白下為匕皆訓粒通俗

文音方力反眾皆歡悟補說文自穀之馨香也象嘉穀在裹中

徐鍇繫傳扱載也白象穀倉也亦從此朱翹音皮及切案下當分段

愍楚友婿竇如同從河州來釋名兩婿相謂曰亞又曰友婿言

漢屬隴西郡前秦苻堅得一青鳥馴養愛翫舉俗呼之為鶡俗

俗作族今吾曰鶡出上黨漢書地理志上黨郡秦數曾見之補

音朔色竝黃黑無駁雜也故陳思王鶡賦云揚彖黃之勁羽補

思王植傳植字子建太和六年封植為陳王此賦在集中試檢說文元注鶡似鶡而青出

羌中韵集音介此疑頓釋諸本鶡皆誤鶡音作分段云漢書黃

注亦誤鴻宋祁據徐鍇本曾辯之  
段說是也今從改正案下當分段

梁世有蔡朗父諱純

諸本多脫父字

既不涉學遂呼蓴為露葵

宋本有一菜字

衍案露葵乃人家園中所種者列女傳魯漆室女謂昔晉客馬

佚踐吾園葵使吾終歲不厭葵味古詩青青園中葵朝露待日

晞潘岳閒居賦綠葵含露唐王維詩松

面牆之徒遞相倣效

下清齋折露葵其非水中之蓴明甚

非作

承聖中

元帝年號

遣一士大夫聘齊齊主客郎李恕問梁使曰

江南有露葵否荅曰露葵是蓴水鄉所出卿今食者綠葵菜耳

李亦學問但不測彼之深淺乍聞無以覈究

俗本作覆究今從宋本案下當分段

思魯等姨夫彭城劉靈嘗與吾坐諸子侍焉吾問儒行敏行曰

凡字與諮議名同音者其數多少能盡識乎

補隋書百官志皇弟皇子府置諮議

參荅曰未之究也請導示之吾曰凡如此例不預研檢忽見不

識誤以問人反為無賴所欺不容易也

補史記高祖紀集解江

猾者為無賴

因為說之得五十許字諸劉歎曰不意乃爾若遂不知

亦為異事

案下當分段

校定書籍亦何容易自揚雄劉向方稱此職耳

補漢書揚雄傳雄字子雲蜀郡

成都人少好學博覽無所不見校書天祿閣上又藝文志成帝時以書頗散亡使謁者陳農求遺書於天下詔光祿大夫劉向

校經傳諸子詩賦每一書已向輒條其篇目撮其指意錄而奏之稱尺證切

觀天下書未徧不得妄

下雌黃

補夢溪筆談改字之法粉塗則字不沒惟雌黃漫則滅仍久而不脫

或彼以為非此以為

是或本同末異或兩文皆欠不可偏信一隅也

渭南嚴式誨校刊

顏氏家訓卷第三

成都龔道耕重校